



重刊貢禮部玩齋集序



宣城貢泰甫先生玩齋集十有二卷為詩賦序

記傳說箴銘贊頌問辯題跋碑銘誌表雜著共

六百五十三首又有序文年譜別自為一卷編

輯既成為之序曰先生名師泰字泰甫玩齋其

別號也仕元為禮部尚書尋改戶部先生之父

汝靖侯在皇慶延祐間以文學遭際與虞揭袁

鵬諸公頡頏上下先生夙承家學而又嘗親炙

諸公且及游草廬先生之門故其學淵源深而  
培植厚塗輒正而條理明其見之著速氣味肖  
諸賢言語妙天下黜黜乎其幽悠悠乎其長煜  
煜乎其光有虞之宏而雄健不減於馬有揭之  
瑩而清俊則類於袁其於理趣尤儼然吳氏之  
尸祝也故當時評先生之文者列之於六大家  
之次序其詩者亦謂可與道園學古錄並觀皆  
非虛語矣惜予遭值舛世雖仕至前官特出於  
行省之可版授且徘徊吳越甌閩之區而未嘗  
大顯于朝故其文章之行世弗克如虞揭袁馬  
諸公之盛又其後也流寓海寧以及未幾而元  
運亦改所在兵燹遺稿所存亦無幾矣念予幼  
時仰承庭訓家君裕菴嘗手抄先生友迂集一  
編教之曰此人文之精者也小子熟之其有得  
乎比壯出從豫章羅孟維先生游又得所謂東  
軒集者每展誦而紬繹之則心暢神怡快然如

有所得而尤以不獲覩其大全為恨也天順初  
元蒙出山文獻先生輩五經博士授入於西館  
恩假守寧國而屬邑宣城寔先生桑梓之邦到  
官之初首訪文獻先生之諸孫武欽以其所藏  
玩齋稿弁年譜末上首尾脫落僅得詩文若干  
首餘無存者於是博求之大家世族卷軸之所  
題識名山勝地碑版之所傳刻又得詩文若干  
首合前二集彙而萃之各以類從列為十有二

卷總題之曰貢禮部玩齋集序而刻之學官嗟  
夫先生之文美矣至矣是雖昆明劫火之後仙  
官六丁下取之餘殘編遺墨尚幸歸然如魯靈  
光猶有存者其傳世行後無疑也一時門人高  
第謝肅塗穎劉中鞏吳夔閩南芴集編次之舊  
既已不可復見而武威余公山東李公金華黃  
公吾郡楊公諸名賢所為序文則猶具在走也  
何人敢贅一語於其間哉第以斯文失得之由

區區蒐輯之意與夫刊刻之歲月皆不可以無述故不揆蕪陋而竊書之觀是集者尚矜其用心而畧其僭踰之罪則又幸矣

天順癸未夏五月端陽日會稽沈性謹序

貢禮部玩齋詩集



先輩論詩謂必窮者而後工蓋本韓子語以窮者有專攻之伎精治之力其極諸思慮者不工不止如老杜所謂癡耽佳句語必驚人者是也然三百篇豈皆得於窮者哉當時公卿大夫士不及閭夫鄙隸發言成詩不待雕琢而大工出焉者何也情性之天至世教之積習風謠音裁之自然也然則以窮論詩道之去古也遠矣我

朝古文殊未邁韓柳歐曾蘇王而詩則過之郝  
元初變未拔於宋范楊再變未幾於唐至延祐  
泰定之際虞揭馬宋諸公者作然後極其所擊  
下顧太曆與元祐上踰六朝而薄風雅吁亦盛  
矣繼馮宋而起者世惟稱陳李二張而宛陵貢  
公則又馳騁虞揭馬宋諸公之間未知孰軒而  
孰輕也公以余為通家弟兄每令評其所著如  
東南有佳人解谷有美竹深得比興日入柳風

息笑容生綠水遠詣選體厚倫理如風樹春暉  
樹風操如葛烈女段節婦李貞母陳堯妻感古  
如蒼梧滕閣紀變如河決蘇臺論人物如耕莘  
蹈海遊方之外如子虛道人揚白花吳中曲有  
古樂府遺音國字黃河可補本朝缺製其他所  
作固未可一二數此豈效世之畸人窮士專攻  
精治而後得哉蓋有其先公文靖侯以古文鼓  
吹延祐間公由胄學出入省臺其風儀色澤雍

容暇豫不異古之公卿大夫游於盛明故其詩  
也得於自然有不待雕琢而大工出焉者此也  
公年尚未莫氣尚未衰而尤嗜問學不止今為  
天子出使萬里外他日紀錄為風為騷入為朝  
廷道盛德告成功為雅為頌又當有待於公者  
豈止今日所見而已編是集者為其高弟子謝  
肅劉中及朱鑑也別又為公年譜云公字泰父  
號玩齋學者稱為玩齋先生至正十九年秋九

胡可掩哉若夫朝廷之制作金石之紀載則具  
有全集在焉

至正乙未冬十又一月壬午朔門人邯鄲趙贄

書

書

至正乙未冬十一月廿二日門人許師贊

首全集並誌

陪河外慈雲大師與二僧於金三山講說具

玩齋詩集者中書戶部尚書宣城貢先生之所  
作而其門人謝肅朱銓所彙而萃之者也先生  
蚤侍先文靖公遊京師入胄監而聲華赫然為  
六館諸生之冠當是時文靖方在朝而諸先生  
若草廬吳公松雪趙公四明袁公巴西鄧公清  
河元公雍虞公石田馬公豫章揭公廬陵歐陽  
公先後以道德文章鳴海內而先生遨遊其間  
講明論議涵濡漸漬所得者深所蓄者大其學

該博而闕衍其識高明而超卓其才瑰奇而雄  
偉其氣剛大而振發故其於詩也得乎性情之  
正止乎禮義之中博而不冗約而不齷直而不  
倨切而不泥舒而不緩奇而不險深而不晦優  
柔而不迫和平而不躁雄放傑出而不蕩以肆  
如江河盪滴而莫測其涯也如風霆變化而莫  
見其迹也如雲霞卷舒出沒晦靄千態萬狀而  
莫可名言也誠所謂一代文章之宗匠者矣用

壬曩歲辱在翰林先生時為兵部侍郎間出平  
生所為詩文亡慮數千百篇謹受而讀之歆為  
次其簡編以成一家之言而亦得託名於不朽  
則先生以都庸使者持節南邁而不果矣其後  
用壬以使事還江東遭時孔艱流離顛沛聲迹  
之邈不相聞者且數年今年春先生將漕閩廣  
粟道出海昌值海上有警而遂留居焉用壬日  
陪杖屨散步林臯從容進曰先生昔所示文若

詩敢請以畢前志先生喟然嘆曰自喪亂以來  
圖書散失吾文藁之所存者十亡一二今吾老  
矣追思盛年之所作殆不可復已然吾胸中之  
耿耿者猶在雖孤客遠寓而感時撫事未嘗不  
形之詠歌也因發篋中所藏前後得四百餘篇  
披閱數四於是知先生之學益至而識益遠才  
益廣而氣益克非仁義道德之素積于中歷困  
窮患難而不動其心者安能若是也哉亟欲類

之成帙適有校藝江浙之行又不果既歸則其  
門人謝肅已序次之矣惜乎用壬不能輯錄於  
未散失之前而肅也迺能掇拾於已遺落之後  
非惟有愧於先生而亦有愧於肅矣然而肅是  
編之成獨非用壬之志之所存乎用敢序于篇  
端至正十九年秋八月望日諸生桐川錢用壬  
謹書

書

錄至五十年八月暨日諸主歸川建用士  
驗之必嚴非用士之志之而林於用者其于蘇  
非對首與林先生也亦林於用者其志也  
未若夫之首也南也而林於用者其志也  
門人擔書已竟久之矣昔年用士不無難難於  
之如知而亦林於用者其志也而林於用者其

名都重地之壯觀與夫忠臣烈士之節槩蠻夷  
下國慕義而來王者一切可以形之咏歌則莫  
不即時而紀事託物而引興與從官大臣文儒  
逸士相為倡和而其音節體裁舉皆清俊奇古  
雄渾雅健有典而有則固非風容色澤流連光  
景者可同日而語也蓋自風雅以來能集詩家  
之大成者惟唐杜文貞一人而已繼文貞而興  
者亦惟我朝雍虞公一人而已試以道園所錄

合先生是編而並觀之則未知其孰先而孰後也雖然即其詩文爲足以知先生哉先生說經必極睚賢之指要使學者深領其意而後止爲文章必出於己而無愧於古作者在官政必欲上盡其道而下懷其德雖古循吏有不及至于出處大節俯仰無愧每謂禹稷顏回同道而孔明之煩未嘗不與淵明同其靜此則先生素所自養而寤達一致者也故或掃室焚香抱膝危

坐而終日不動或露晨月夕宇宙軒豁則散策海上逍遙間曠而默識夫造化之妙以自適其天下之樂則浩然之在胸中者爲何如而視功名文學直其末事爾功名文學猶視爲末事矧所謂詩歌者耶而肅等汲汲於此則固弟子之宜爲然先生所作率多黼黻國家太平之美迺今編肆於干戈危急之秋毋亦思治之義也乎遂書以爲序十九年夏五月甲子朔門人上虞

謝肅拜手謹序

大平夏五月甲子既門入土氣

今臨製於下必多意之存毋亦思臨之壽也乎

宜與想夫土河於率多麟瑞國象太平之美也

而臨於率皆昭而肅於率也其於此以同象子之

或文學宜其本率爾以或文學節然遠本率也

天下之樂何謂也

於士宜其間而樂也夫也

坐而然也

貢禮部玩齋文集序

國朝統一海宇氣運混合鴻生碩儒先後輩出

文章之作實有以昭一代之治化蓋自兩漢以

下莫於斯為盛矣當至元大德間有若陵川郝

文忠公柳城姚文公東平閻文康公豫章程文

憲公吳興趙文敏公皆以前代遺老值國家之

興運其文麗蔚質奧最為近古延祐以後則有

臨川吳文正公巴西鄧文肅公清河元文敏公

四明袁文靖公浚儀馮文貞公待講蜀郡虞公  
尚書襄陰王公其文典雅富潤益肆以宏而其  
時則承平浸久豐亨豫大極盛之際也今天子  
元統以來致治為尤盛而文學之士至于今則  
遂以汨繼淪謝而幾於寥寥矣如廣陽宋正獻  
公豫章揭文安公待制東陽柳公承旨濟南張  
公參政趙郡蘇公皆不可復作而承旨廬陵歐  
陽公諭德東明李公侍講金華黃公雖歸然猶  
存而亦既老矣其方嚮任用而擅文章之名者  
惟吾宣城貢公乎公之先君文靖公在延祐中  
與諸公齊名公克承家學又蚤游上庠受業諸  
公間故其問學培植深厚見於文章者氣充而  
能暢辭嚴而有體講道學則精而不鑿陳政理  
則辨而不夸誠足以成一家之言而繼前人之  
緒俟後之故知一代治化之盛者此其有不足  
徵者乎雖然公之所表見不特文章而已其於

政事尤長也其為理官治行最列郡其為御史  
所論列皆天下之大務若夏官則奉詔覈驛戶  
於北境司水衡則朝廷復以中原餽餼之事倚  
之凡其所至輒有偉績不可遽數也大抵政事  
文章本一揆也達事情而號令明執法度而賞  
罰允此政事也而文章豈外是乎嗚呼兩漢遠  
矣考之唐宋論文章則韓文公歐陽文忠公論  
政事則陸宣公范文正公而已公之文章實追

韓歐之法其於政事不猶陸范之志哉抑非韓  
歐不施於政事而陸范不著於文章也就其所  
長合而求之斯為善論公者矣夫讀其文必也  
論其人求其人必也論其世故禕序公之集因  
得以具述焉公名師泰字泰甫起家國子學生  
累遷官兩入翰林為庶奉遷宣文閣授經郎陞  
翰林待制除國子司業遂為吏部郎中拜監察  
御史尋陞待郎復入吏部俄遷兵部侍郎出為

都水庸田使令遷福建閩海道肅政廉訪使云

年月日金華王禕序崇德文昭中執趙察

累遷官西入翰林為夏未遷官以國為終時

我以具表為公以猶禁乎亦有以象國于

論其入本其人必也論其世如韓宣公之

身合而求之博也善論公詩文大能其文

烟不致於如華而漸致不致於文章也

韓宣公之其其於也事不致於其也

貢泰甫友迂集序

余天性素迂常力矯治之然終不能入繩墨矯

治或甚則遂病不能勝因思以為迂者亦聖賢

以為美德遂任之一切從其所樂常行四方必

迂者然後心愛之而與之合允捷機變者雖強

與之然心終不樂也故暫合而輒去京師天下

聲利之區也迂非所宜有嘗陰以求之士大夫

之間得一入焉曰貢泰甫泰甫故學士仲章君

之子能詩文少遊太學有時名因自貴重不妄  
為進取有所不可交者亦不妄與交故吾二人  
者驩然相得若魚之泳於江獸之走於林也時  
泰甫為應奉翰林文字固多暇者即與聚盍有  
蔬一品魚一盤飲酒三行或五行即相與賦詩  
論文凡經史詞章古今上下治亂賢否書畫  
器無不言者意少適即聯鑣過市據鞍談詭信  
其所如而止及暮無所止則與問曰將何之皆

曰無所之也乃各策馬還自古暨今在公貴人  
能求賢常必然有至元初姦回執政乃大惡儒  
者因說當國者罷科舉擯儒士其後公卿相師  
皆以為常然而小夫賤隸亦皆以儒為嗤詆當  
是時士大夫有欲進取立功名者皆強顏色昏  
且往候於門媚說以妾婢始得尺寸此正迂者  
之所不能為也因翱翔自放無所求於人已而  
皆無所遇予既歸淮南泰甫亦以親嫌辭官歸

除紹興推官不相見者為最久去年太原賀君  
為丞相蒐羅天下人才之有政譽者而秦甫之  
治為浙東西第一迺得復召為應奉余適入朝  
為待制相見益歡計其別十年矣吾年少於秦  
甫鬢髮皆白而秦甫銳然面紅白如靛出其別  
後所為詩文甚富且大進益知秦甫真豪士也  
夫以士之賢無所遇而淹於下僚宜其悲憤無  
聊而不能盡也願乃自樹卓卓以其餘力而致  
勤於文學且其貌克然非其中有所負蓋不能  
爾然則吾秦甫之迂又過我遠矣夫古之賢士  
多不兼於文藝文藝雖卑而世亦貴而傳之者  
愛其人故也不賢者之於文藝雖極其精人猶  
將賤之亦何以為也秦甫忠孝人也其功名事  
業當不待文與詩而傳而況於兼有之耶余昔  
與之別今見其文如此今又當別去計相見時  
其文又必有過此矣於其行也序而識之

貢泰甫東軒集序

方今士大夫號稱文章家多推宣城貢氏而泰甫其尤秀出者也蓋幼聞先翰林公過庭之訓早受業太學博士在朝又得與虞揭歐馬諸名賢游爵位通顯故其文章爛然宏博靡麗卓邁儁偉高者可以追配古人非當時流輩所及也蓋嘗有友迂集余左丞廷心公序之又有玩齋集黃太史晉卿公序之美矣詳矣今又有東軒

年月日青陽山人余闕序  
與之保令其其文也  
業當不特文與詩而  
部類之亦何心也  
矣其入若也  
不無涉文藝文藝  
爾然限吾泰甫之  
博涉文學且其  
夫古之賢士

集焉徵序於余夫以先生之文當時所推重將  
不賴二公之序以傳二公之文章固高一世猶  
不賴以傳況如余之昧昧者乎是以低徊畏避  
而不敢也雖然先生脫吳門之難棲遲海上者  
三年益得肆其問學之功及丞相迫起之不得  
已為兩浙運使才志又不得以大展則抑遏隱  
忍以就筆硯之末載其道於書故其陳義之高  
屬辭之密深厚爾雅又非前日友迂玩齋之比

矣是不可以不知也太史之稱虞卿韓昌黎之  
論柳子東坡海外之文少陵夔州以後之詩彼  
皆有所激而進也余於東軒亦云東軒在抗之  
校蓋所寓也余非敢序東軒之文也因東軒之  
文而有感焉故書之云爾至正戊戌十月望新  
安程文書于越之蜀昇僧舍

史跡文書于進之國年餘

六四亦為其書之六國至五以內十日聖傳

林蓋和與也余非將我東博之文也同與博之

皆自西博也其也余非將我東博之文也同與博之

論際于東博也其也余非將我東博之文也同與博之

舊本尚有門吳朱經一篇矣去計二葉

玩齋先生紀年錄

大德二年戊戌時成宗在位公以是年五月二十一

日生於宣城之南湖

大德三年己亥

大德四年庚子

大德五年辛丑

大德六年壬寅

大德七年癸卯

大德八年甲辰

大德九年乙巳

夫公十歲

大德十年丙午

大德十一年丁未公十歲

至大元年戊申

至大二年巳酉

至大三年庚戌

至大四年辛亥

皇慶元年壬子武宗即位

皇慶二年癸丑侍父提學江西會草廬吳先生堂試

中第一

延祐元年甲寅仁宗即位

延祐二年乙卯

延祐三年丙辰娶寧國路總管之女張氏

延祐四年丁巳公二十歲

延祐五年戊午入太學自宣入京

延祐六年巳未

延祐七年庚申

至治元年辛酉英宗即位

至治二年壬戌

至治三年癸亥

泰定元年甲子晉邸中江浙鄉試

泰定二年乙丑晉中丞

泰定三年丙寅

泰定四年丁卯公三十歲

天曆元年戊辰明宗即位公改治詩經中國子選授

太和州判官未赴 自京歸宣

天曆二年己巳丁外艱

至順元年庚午寧宗即位

至順二年辛未除歙縣丞未赴

至順三年壬申辟江浙省掾

元統元年癸酉脫懽皇帝即位

元統二年甲戌棄官以中書檄行省不得用部下士

為掾以江南三省對調公不從上書丞相辭去不

仕

至元元年乙亥

至元二年丙子

至元三年丁丑除翰林應奉文字同知制誥兼國史

院編脩官以兄來官翰林辭避南還養母公年四

至十歲

至元四年戊寅葺愛日亭

至元五年己卯丁內艱

至元六年庚辰

至正元年辛巳為蚘竅鷄適粟中春等所以圖宴息

至正二年壬午

至正三年癸未

至正四年甲申除紹興推官既任考文江浙

至正五年乙酉

至正六年丙戌

至正七年丁亥召為翰林應奉奉旨編纂遼金宋史

公年五十歲

至正八年戊子遷授經郎兼經筵譯文官

至正九年己丑遷翰林待制奉旨兼叅贊經筵官進

講經筵明君子小人之辨上喜錫賚甚厚

至正十年庚寅改國子司業割司業俸并節行供浮

費積貲廣學舍六十間以及諸生宿處

至正十一年辛卯四月奉制不拘南士擢吏部郎中

三日後拜監察御史分巡東道

至正十二年壬辰奉制再除吏部侍郎

至正十三年癸巳冬調兵部侍郎以兵部侍郎差次

口北十三站豪貴懾服貧民甦息擁拜遮道作榆

至林有感詩

至正十四年甲午八月除庸田使和糴二百萬以供軍

至正十五年乙未正月除江西廉副未任陞福建廉使六月任十月除禮部尚書道出建寧十一月除平江路總管十二月二十八日任

至正十六年丙申正月三十日城陷于張氏公抱印求死不獲作幽懷賦以自見隱居吳松江上主釣臺山長吳景文易姓名為端木氏號戾契子州州翁

至正十七年丁酉八月扈印納於浙省十月丞相達

公九成以便宜除兩浙轉運使隱居杭之西山公年六十歲

至正十八年戊戌八月陞江浙叅政居杭州作備萬齋

至正十九年己亥正月除戶部尚書奉詔漕閩粟皇太子書務本二字賜之赴閩道梗二月遷居海寧之北郭時錄得列弟子員後八月自海寧航海達閩而眷序僑寓如故冬值兵入境錄具舟迎夫人眷序過家留居東野草堂

至正二十年庚子九月除秘書監卿還京師公寓閩

至中香嚴寺作高風臺新修書室  
至正二十一年辛丑公寓閩中

至正二十二年壬寅公年六十五七月七日自閩中  
歸眷寓命其地曰小桃源冬一月十日歿於寓所  
至正二十三年癸卯是年春鋸割地以葬實閩三月  
三日也閩士因廣高風臺改先生祠以綿祭祀

貢禮部玩齋集卷之一

後學會稽沈性編校  
後學餘姚史元熙重刊

賦

小篔簹賦

謂木非喬謂草非繇不蔓而天不葩而條間庭翳翳  
密室脩脩名小篔簹有扁之昭或曰子真以篔簹為  
小耶則僂標出塵直幹凌囂聲諧鳴鳳影挾翔蛟洒  
清風之葉葉弄明月之梢梢雖鉅戶而當軒實拂雲  
而騰霄子以植數少為小耶則兩窓三四一徑五六

緇實漂黃錦苞凝綠或開樽而射金或援琴而擊玉  
雖無千頃之多聊可數竿而足然則小篋當果何在  
乎主人曰肩高於墻斗大於室門可旋禮居僅容膝  
脩及尋丈廣貿咫尺以溉以種充我餘隙匪谷斯盈  
匪川斯溢減晉林之七賢少唐溪之六逸異蔣詡之  
三徑慕子猷之一日况城西幽迥堂北愉恍平安之  
報維昕與晚遺形尚存先德不遠則又此心之所以  
思慕而憂備也篋當雖小其義實大謹葺謹培式萌  
孝愛或曰唯唯子誠是在虛心有容直節無懈庶其茂  
之勿翦勿敗

五言古詩

古意二首

功名果何為輕重天下士得之入雲霄不得墮泥滓  
朝列三公行莫與匹夫比榮辱既由人富貴非在己  
胡為竟迷途白首憂不止縱有益世勲僅遺一紙史  
往者尚如斯後來亦徒爾迺知巢許流高蹈良有以  
又

黃金本何物舉世相紛爭賤者可以貴死者可以生  
既解平城圍亦散六國衡神用信莫測萬寶孰敢嬰  
亦有高世士唾視瓦礫輕寧為凍餓殍不受污辱名

斯人儻可見吾將與同盟嗟哉首陽薇千載有餘清  
擬古三首

東南有佳人遠在水一方綺疏繁飛樓曲闌圍洞房  
意態閒且靚氣若蘭蕙芳纖阿褱姣服雜佩懸明璫  
流風迴皓雪明月舒其光白面誰家子錦鞍青絲韉  
翩然一見之下馬立中堂可望不可即五采盛文章

又

嶰溪有美竹挺挺霜雪中何人斷兩節製為十二簫  
宮商自相應鳳鳥鳴雌雄一鳴垂衣裳再鳴致時雍  
從此去不返治道竟少隆鄙哉叔孫氏綿蕝變王風

寥寥數千載伊誰啓冥矇后皇如有作聲教垂無窮

又

採藥鍊神丹鍊久丹自成丹成出寶鼎旭日紅霞明  
服之不終朝身若一羽輕騎龍跨八極翩然凌太清  
太清邈金闕玉女羅雲輶飄蕭白霓裳參差紫鸞笙  
元氣在呼吸因之薄蓬瀛下視寰宇內人事徒蠅營

遣懷二首

日入柳風息月上花露多東軒頗幽敞夜靜時一過  
鳥散庭中樹蟲鳴堦下莎北斗何低昂踈星沒橫河  
獨賞誰晤語感慨成悲歌懷哉岩桂臺邈在姑山阿

城東數椽屋墻壁半摧傾驅童旋泥補聊以潛吾生  
門前一隙地短畦亦縱橫布種才幾日雜蔬盡勾萌  
夜來涼雨後青青盛滋榮採掇且勿過吾將俟其成  
感興五首  
玄陰結曾空白晝慘不開鴻鴈失其群鳴聲亦何哀  
嗷嗷在江渚欲下復徘徊游子獨何之感慨激中懷  
緘書將寄遠霜露白皚皚

又

芙蓉生綠水水綠花更好採花當及時莫待顏色老

美人久不見華髮忽已皓因之遺芳馨聊以慰懷抱  
失意且勿嗟令名當共保

又

悲風從西來海樹何蕭瑟薄寒中人肌毛髮為慘慄  
疏林動鷓鴣壞壁鳴蟋蟀出門忽四顧愴恍若有失  
仰面對青天青天行白日

又

客有雙寶劍紫氣射牛斗年少乍得之日夜不去手  
豈知靈異物佩服終難久一朝騰波去化作蒼龍吼  
何時復歸來為國殄群醜

道傍有枯桑中空上無枝豈惟八蚕厄亦受群蟻萎  
雨露忽以濡依然發華滋雖非梁棟材猶堪琴瑟絲  
子能慎封植成功當有時

赴京別親友

崇堤衛芳塘塘上種楊柳楊柳年年青慈親未白首  
送我不忍別出門復携手親友陟高岡立馬望良久  
離懷急欲醉盡此樽中酒

姑孰道中

朝發慈姥山莫宿吳公橋日入氣猶溽清懷厭煩囂

隔江風雨至綠樹涼蕭蕭鄰舟頗相好有酒忽見招  
明發波浪闊相望一何遙

和吳子彥高齋雨坐韻

高城暮色重空齋秋思多蕭條響林籜的皪集池荷  
開門望青山但見白鳥過獨坐領幽趣悠然發浩歌  
此意誰與共餘暉在岩阿

雨坐有感簡胡仲明劉太初并寄鄴隱梅鍊

茂林延鮮颯空庭灑飛雨衆物欣以榮綠苔自清暑  
蜻蜓飛水上蜉蝣亦生羽感茲晤玄牝儵然契真母

紛紛泥淖間變化無恒處  
晨氣含餘清夏雨欣衆綠  
閉門鬱佳興開軒縱遐矚  
稚菊齊庭葵新篁出林木  
徘徊感物化生意一何速  
念此溷毓功終焉愧寒曝

湖上納涼有懷吳子彥

天風吹海樹瑟瑟秋氣涼  
河漢西北流衆星耿微光  
昔我同袍友遠在水一方  
相思不得見展轉清夜長  
遙聞鳴笳發攬衣月蒼蒼

題何氏永思亭

上山山有顛涉水水有涯  
父母恩罔極孝心無盡時  
風吹庭前樹鳴聲一何悲  
白日墮青天零露委華滋  
死者不可作遠者亦可追  
哀哀蓼莪詩以求千載思

送潘仲金赴德興教諭

山中思偃息盡日掩重扉  
方慙素交寡况與知己違  
春江雨新漲楊柳綠依依  
攀條未忍別孤帆已如飛  
芹宮盛矜佩日夕候光輝  
尊壘雜籩豆笙鏞間絃徽  
教成母久淹倚門望東歸

歲莫別陳華仲

翩翩五色翰結巢在丹山  
朝飛白玉池莫宿青雲關

偶然落漪上文采何爛熳歲晚天苦寒况此風雪孱  
高梧不結實啄食良獨難瑤臺十二層群僊列佩環  
奮身一飛去邈矣難追攀

次陶公美韻并簡劉景初

我行自天北君居在江南南北各相望有如商與叅  
歲月亦已遠寤寐懷好音默默無所寄時復理橫琴  
昨日得緘書甚慰契闊心書云各努力隙駒易駸駸  
履道貴平易為文去艱深感子意良厚所愧力不任  
姑山竹可支姑溪梅可尋梅竹耐歲寒相期更自今

贈蒼梧縣尹

朝觀扶桑日莫望蒼梧雲重華去已遠神氣猶網緼  
遺黎在山下飲食而耕耘懷哉賢大夫彈琴詠南薰  
胡為不我即使我心殷殷秋風洞庭波綠竹愁湘君

春日同達蕙善祕卿燕蘭亭分韻得工字

青山在城西白日在城東車馬出門去光彩何曛曛  
密樹被暘谷疏華表陰峰傑俯諧雅會委蛇盛儀容  
席陰空靄綠盃流渚霞紅秉簡滌煩想舞雩繼遺風  
俛仰宇宙間脩短均化工誰是廣成子長年住崆峒

題王維輞川圖

開圖縱竒觀江山鬱相繆兩垞矗岩岩重湖渺漭漭

邃宇抗疏嶺危亭俯圓流春塢辛夷發夏陌高槐稠  
竹館翠陰晚萸泚紅實秋遠墅漆未割近園椒欲收  
驚鳥避溪泉野鹿逐岩幽日莫川上歸涼颯蕩孤舟  
靄靄雲氣合漠漠烟光浮顧思天寶初綱紀壞不脩  
霓裳按妖拍鼙鼓起奸謀豈無匡濟術迺為閒曠留  
菱歌自來往葩辭更倡酬遂令摸寫間意度猶可求  
乾坤多變態江海生暮愁白鷗飛不去千載空悠悠

河決

去年黃河決高陸為平川今年黃河決長堤沒深淵  
濁浪近翻雪洪濤遠春天滔滔渾疆界浩浩衰市廛

初疑滄海變久若銀漢連怒聲恣砰磕悍氣仍洄漩  
毒霧飽魚腹腥風噴龍涎龜鼉出衮衮鴈鳧下翩翩  
人哭菰蒲裏舟行桑柘顛豈惟屋廬毀所傷墳墓穿  
丁男望北走老稚向南遷縣官出巡防小吏爭弄權  
社長夜打門里正朝率錢鳩工具畚鍤排戶加笞鞭  
分程杵登登會聚鼓闐闐雖云免覆溺誰復解倒懸  
瀾漫勢稍降膏血日已朘流離望安集荒原走疲瘃  
孤還尚零丁旅至纔屬聯園池非故態隣里多可憐  
貧家租舊地富室買新田頽垣吠黃犬破屋鳴烏犍  
秋耕且未得夏麥何由全窻泥冷窺風竈上濕生烟

頃筐摘餘穗小艇收枯蓮賣媿鷄鴨瘦食厭魚蝦鮮  
榆膏綠皮滑尊菹紫芽圓乍見情多感久住心少便  
金堤塞已潰淇園竹為捷玉璧沉白馬冠蓋相後先  
舜禹事疏鑿漢唐勞委填瓠子空作歌寶鼎徒紀年  
昨聞山東飢斗米直十千即今江南旱骨肉皆棄捐  
倉廩豈不實賑貸猶迭遭恐是廊廟遠不聞道路傳  
恐是天聽高致使雨露偏小臣思覆載百念倍憂煎  
躊躇慘莫發憤結何由宣作詩備采擇孰敢希陶甄  
平成諒有在更獻河清篇

上劉承旨二首

大魚但溟海微禽變淮波我生亦何為感物常悲歌  
念茲秋蘭華含榮在山阿孤貞固自信采掇將誰過  
安得紉佩服襲此芳馨和

泰山不辭壤河海不擇流所以經世者賢才務旁搜  
我願為黍稷得植君田疇我願為壘洗得奉君獻酬  
慎莫令棄置被褐居林丘

送子通編脩代祀泰岱二首

我昔聞泰山其上有神木高標聳乾端深根絞坤軸  
大枝蛟龍盤小枝鸞鳳宿磅礴數千載居然在空谷

風雨不可動况受斧斤辱子今試往觀會當駭心目  
我昔聞泰山其下有瑤草秀色貫四時不死亦不老  
日月孕至和風露長浩浩僊人為我言服之顏色好  
濁世苦多欲誰能事幽討子今試往求何煩涉蓬島  
落日照淮甸中流蕩回光窈窕誰家女採菱在橫塘  
風吹荷葉低忽見紅粉粧紅粧背人去驚起雙鴛鴦  
鴛鴦去復來烟水空茫茫

貧婦嘆和成誼叔應奉韻一首

結髮事夫子相期首俱皓如何割歡愛長年在遠道  
井臼甘勤勞衣食無完好妾身徒區區妾心實杲杲  
鳥飛尚投林魚遊亦依藻君非魯秋胡貞心諒同保

題王濟川風樹堂

淒風被林木雜還無寧柯欲養親弗待歲月同流波  
昔人感終極子今傷如何有哺烏在林有祭獺在河  
白華與南陔悲思徒增多

題潘叔寬望雲圖

日入無返照雲出有歸期雲歸在山阿親死獨何之  
思親不可見亦有墓與祠朝望怡我目夕望慰我思

風吹白楊樹露滴青松枝翩翩華亭鶴鳴聲一何悲  
不有望雲作孰繼南陔詩

題張子英閒止齋

薄宦非夙志况復多艱難力辭迺得去羈紲庶少寬  
僦屋西溪上聊以掛余冠住久鄰里狎盃酒亦盡歡  
開軒望遠岫時見孤雲還人生徒擾擾意適心自安  
君亦何為者而能早休官

題蕭山包氏棣萼軒

燁燁棠棣花花萼盛敷榮下承上以覆白日光輝生  
物性且如此况我弟與兄飲酒坐花底怡然思義并

胡為輕薄兒骨肉成戈兵鴻鴈在中野脊令亦飛鳴  
一詠包家詩怛然感衷情

姑蘇半塘別王季野諸友

社志頗磊落別意何綢繆相送屢迴顧欲行還暫留  
花紅隔崇堤草綠遍芳洲所期各努力令德比前脩  
錢張懷玉赴廬州治中

清時重世冒寵數超常秩公子玉雪姿袍笏照白日  
近辭中禁榮遠為淮南出冠蓋餞東門悵然若有失  
別酒起驪歌秋風動簫瑟淝水清連漪楚山高翠嶺  
別駕非常流治郡良有術白馬行翩翩嘉聲已洋溢

廟堂多深知賜環當在即

賦成誼叔積素齋

飛雪委階下顥采滿中堂明月更被之窓戶流輝光  
夜深時起望星斗低以昂庭樹度疏影林花散微香  
忽若白玉臺衆羽紛頡脰凉颯颯然至坐覺激肝腸  
徘徊復徘徊衣露白如霜

題吳中陸氏菊逸軒

疏條鳴疾風落葉紛以觸端居節序移忽焉見佳菊  
芳苞澹秋黃短叢深雨綠時時一瓢酒亦足慰幽獨  
飲中有真趣孰識榮與辱歲晏霜露多白駒在空谷

諄諄四勿戒惓惓三省旨君子澹無營超然悟玄理

重九日國學燕集分韻得口字

傑構鄰象緯飛題薄箕斗雅會集諸生清譚接良友  
商颯振庭柯旭景耀林莽逶迤滄海濱窈窕居庸口  
憑虛俯流光慷慨送杯酒

游西山次周伯溫韻

嚴鍾啓城鑰百辟聯佩紳斜漢在昴畢搖光正當寅  
華車出廣陌光采生熙春陰崖凍猶結陽谷景已新  
雲林白洶湧石磴青嶙峋先皇昔游幸顧瞻愴茲辰  
恍若鐵馬起空留玉衣陳鼎湖去雖遠元化同其神

憑危俯高樹歷覽窮荒榛梵宇抗疏嶺飛閣騰遐津  
虛庭潛颯起白日無纖塵長楊十二衢甲第連居民  
清時治茲久天地涵深仁矧茲風氣完且復俗習淳  
耦耕雜畝畝獨釣當漪淪高僊去窈邈瑞氣留氤氳  
於焉契嘉晤頓覺煩抱伸蹇予敬亭下清池翳脩筠  
時時一瓢酒獨酌不計巡對此重歸思江海愁疇人

興州道中

畿縣出西北山川何雄深况茲氣候殊岩壑更嶽峯  
落葉委空谷疏松表高林征馬度前阪浮雲落微陰  
風吹髮蕭蕭日莫思沉沉豈不厭馳驅嚴程有官箴

敬亭邈天際行當契冲襟

題滕王閣圖

雄城控華甸傑閣臨芳洲飛甍起千仞曲闌圍四周  
丹碧何輝煌文采射斗牛帝子去不返頰仰經幾秋  
江黑簾雨捲山青棟雲收孤舟天際來揚帆在中流  
狂飈薄莫起坐覺增煩憂何當掃重翳白日耀神州  
開圖發長嘆天地一浮漚

題疊嶂叅雲亭寄老士安監憲

層城極高爽傑構峙崢嶸疊嶂散霞綺雙溪迴以明  
旌節一戾止登覽群彥并明月懸委佩華星粲長纓

涼軒四面敞坐看卿霽生神功儵舒卷變態周八紘  
終當溥甘澍從龍游太清

涇縣石壁道中

萬山從西來中斷忽如劈攢峰阻重関兩崖立堅壁  
絕壑瀆飛流觸石勢逾激神龍宅其下白晝飛霹靂  
涉險恐羸驂凌高快健翮須臾得僊館頗覺契幽寂  
入竹敞涼軒掃花吹鐵笛坐久竟忘疲塵襟忽如滌  
翻思崎嶇間使我心戚戚

過僊霞嶺

連山界甌閩茲嶺亦峻極傑觀真方陞高標麗園則

淋漓割元氣黯澹帶古色綿亘姑蔑墟蒼翠欲四塞  
僊霞高燭天五采絢赫艷萬仞聳崢嶸百里見孤特  
稜角露毫芒縷脉界縫紵我行任網紀逾月來自北  
道途多艱虞况迴事登陟初綠榎磴危漸轉重関側  
攢峰與疊巘盡日走崩劣連岡躡衙衙絕壑瞰冒冒  
遠岫忽已遠近隴復相通躋攀苦分寸跬步輒止疑  
若然造曾顛軒豁始有得或列若屏幃或限若戶闔  
或偃若覆釜或俯若昇錢或恭若執圭或竦若憑軾  
或尊者受朝或卑若就職或若孤鶴駕或若萬馬勒  
或若華蓋張或若夫容植或淨若新沐或靚若初飾

或爭先若馳或嚴整若飭或若進而拱或若退而劾  
或偃若將趨或顛若將踣或堅若長城或錯若列國  
或聯若串珠或牽若傲纏或搏若熊羆或射若虺蜮  
或晃若華旒或履若赤纒或顯顯若昂或踽踽若抑  
或軒軒若舉或悄悄若默或欣欣若喜或慙慙若戚  
或駸若惹愚或穎若岐嶷或窮若龜曝或直若隼革  
或差若頡頏或比若福祿或倚若弓劍或羅若罟罟  
或銳若戈矛或卓若檠杙或渥焉若丹或黜焉若墨  
或離焉若愁或俛焉若畫或儼焉若思或慘焉若憶  
或豁豁若噬或鏡削若剋崎嶇歷萬狀意態轉惶惑

矯首勞脰脰舉膝撐胃臆僕夫盡劬瘁負擔屢蒲伏  
健駭猿獠勢快羨飛鳥翼長風度林薄草樹紛偃仄  
雲歸窳實昏潤滴嵌岩泐洎流乍逶迤懸溜竟溷汙  
豫章間榎楠榛莽翳柞械野草結山果瑣碎多不識  
爛熳錦機翻離披翠羽織竹籟笙鳳鳴藤雨淵珠滴  
濃淡各異態不豐亦不瘠根露獸闕歌株朽人立直  
幽谷皞怪禽坳塘落鷓鴣古柴蔓草荒廢井苔蘚蝕  
茆屋列二三亂石羅萬億水耕雜杭稌火種饒黍稷  
寒泉浸蹲鴟飢食同稼穡憑高謾徘徊得蔭暫休息  
掬水滌煩襟坐愛清湜湜仰看高空青俯視深潭黑

其上浩無際其下深莫測豈惟龍蛇都實廼虎豹域  
前瞻已出險後顧猶未即我行既已遠我志敢不力  
倉皇問前途日挂半岩曷峻坂汪迢迢憂心動惻惻  
自從黃巢亂近復多盜賊敗屋雖僅存居者間逸匿  
窓牖旋遮護几案忙拂拭頽然就床枕強起具蔬食  
新醅薦茅柴晚飯飮蘆葍豈不念馳驅王事亦孔棘  
江東戰未已閩南病尤亟所當效微忠孰敢怠畧刻  
吾道豈無補憲度亦有式民風轉移間要在盡悃悞  
豈徒慰凋疲庶將別淑慝追踪古聞人上以報皇德

謝吳景皇送菊

寒雨鳴枯林蕭條數間屋何人喚開門送我一枝菊  
從知主意深遠慰客懷獨備莖挺數尺大花著五六  
鵝毛發翫黃翠羽攢生綠忽見隱士姿頓洗凡子俗  
縹篋傷几案徹夜散幽馥我家東籬邊短蓑自如簇  
金錢雜瑣碎採之動盈掬雖非人力巧亦異衆眼肉  
予金不得見寒暑再徃復感慨成悲歌徘徊寄遐矚  
安得吳江水盡變作醪醕醉酣把長劔天地眇一粟  
卧病荒江上憂心何忡忡親友久不見况此風雨中  
沙草生滿路庭菊亦成叢荏苒芳春節棲遲孤客蹤

雜體八首

有酒且盡醉吾道豈終窮  
種蔬屋西頭露葉日已深  
葉深自可摘慎勿傷其心  
傷心且當慎况迺衆暴侵  
豈不念君子憔悴將安任  
葵藿傾太陽蕙蘭托中林  
此物雖至微庶可媿德音  
看月當看缺月缺終須圓  
賞花莫待開花開落還先  
靜觀萬物理可以全吾天  
東隣後漫舞西家沸繁絃  
歡燕猶未終飄忽如浮烟  
宣尼陳蔡間伯夷首陽巔  
斯人雖已矣清風萬古傳

道徬百草芽春至生漸繁  
采之多可茹亦足供盤飧  
豈無梁肉饋野性非所存  
陶令晚辭秩袁安深閉門  
古道真可尚薄俗難與論

又  
千金不為恩一語終感德  
所以古來士慷慨重相得  
睠茲義利間誰能有真識  
張儀漫連衡酈生空伏軾  
魯連不帝秦高論抗六國  
遂令千載下撫卷長太息

又  
知黑故守白迺為白所污  
棄利將求名反為名所誤  
是非既不真榮辱安所遇  
顧茲朝莫間何異徂公賦

達人本大觀，世事皆細故。飢餐松下苓，渴飲花上露。  
且從海翁游，忘機有鷗鷺。

又

疏林收霽靄，方池涵密陰。坐深清晝冷，餘花散鳴禽。  
緘情何所寄，撫我綠綺琴。世無鍾子期，誰復能知音。  
曲終一長嘆，悠悠千載心。

又

偃息北窓下，好風從南來。開窓延好風，懷抱忽為開。  
人生如蓬旅，造物同嬰孩。小知闔蝸角，營營真可哀。  
是非何足論，客至且啣盃。

天台林氏山齋四詠

南山有白石，石爛春遲遲。驅牛上山去，牛飽隨所之。  
耕種賴爾力，牧養須及時。短衣不掩髀，吾生竟何為。  
唐虞世云遠，安得還雍熙。

右飯牛山房

天台赤城山平地起千尺，出海爛紅雲垂天立。蒼壁  
神光燭宇宙，晃朗晝相射。僊人居其上，塵世邈難識。  
與子試往觀，會使身生翼。

右百丈巖

飛龍上青天，忽聽山石裂。怒驅萬壑雷，散作半空雪。

脫巾弄潺湲展席映澄澈毛髮為森立盡洗人間熱  
浩歌下山去日莫風烈烈

右瀑布泉

何人吹鳳凰驚起萬竿玉長風自天來湘波蕩晴綠  
停杯狎閒鷗倚杖招黃鵠俯仰宇宙間滄海渺一粟  
振衣聆鳳吹冉冉秋雲綠

右琅玕谷

送劉子還江右

晨颿起庭柯落葉當階積流光儵云變感此送行客  
遠行歸無期况與親友隔潛魚無縱鱗倦鳥思斂翼

物理且如此人事徒役役徘徊激中腸衣上霜露白

秋夜和韓與玉

齋居在城西庭戶頗幽敞涼風起高樹落葉時時響  
境靜人少來理悟心自賞方忻結同盟慎勿成獨往

偕鄺蕭梅竹行

山居屬多暇數友樂幽尋積雨弄新霽浮雲澹微陰  
青松架絕壑蕭然洒塵襟論心忘遠道矚目渺寒林  
行行擷秋芳濁酒時復斟明發重分携茆山白雲深  
題朱澤民所作段吉父應奉別業圖  
遠山何盤桓近壠亦連屬潛颿薄陰崖鮮雲蕩陽谷

飛樓表層顛石梁跨懸瀑參差衆樹丹天矯雙松綠  
誰與契佳賓雅會諧所欲臨流引霞觴拂石羅野藪  
開首對華軒聊以慰貞獨

春日宴蘭亭分韻得玉字

陰雲翳岩谷野水漫池塘倏焉變新霽百物生輝光  
散策柳風媚浣衣蘭渚薌嘉會後華簪列坐催流觴  
鳴禽亦有意睨晚如笙簧悠悠千載間孰繼謝與王  
光陰亦何速聚散安可常及時不歡樂白髮徒慨慷

劉平州盤谷圖

崇立上岩堯絕壑下深曲緊誰發天巧水墨寫盤谷

荒蹊遶層巔脩薄翳空麓息陰動清興憑危引遐矚  
鮮颯度長林冉冉雲相逐晨樵入蒼蔚夕釣得漣綠  
方春薇蕨生及秋禾黍熟低迴情乍舒展玩景逾縟  
我思古人心雅曠良所欲終期駕鴻濛萬里一黃鵠

天門山為楊梓人待制賦

天門十六峰氣勢凌祝融玉壺畫飛雪丹穴夏生風  
壁轉六龍影閔當九虎雄還應叫閭闔白日照精忠

蘭皋雅集

弭節蘭江渚散策嘉樹林良儔亦以集式慰離索心  
列坐引疏酌斲歡契冲襟風清暑氣薄日落潭水深

高蔭多鳴蛭時時曳餘音豈無繾綣意淹留畏官箴  
煙塵庶可息吾將遂投簪

爛柯山分韻得之字

嚴城啓晨鑰夙駕踐所之華日動光彩冠蓋盛威儀  
揚鑣度廣野緩策緣清池長林帶崇岡密樹何參差  
逶迤石梁起天矯崖洞垂青霞結懸虹白日生涼吹  
僊人杳莫攀殘碁委臺基坐看星斗出斂襟遂忘疲

趙敬德聚星樓

連山峙華鄂芳州亦回翔雄城直須女流止下相當  
層構逼緯象仰視何低昂濟濟列僊儒冠蓋紛頡脰

左曳飛霞裾右佩明月璫瑤席蕩神采綺䟽動芳鄉  
周旋中規矩顧盼生輝光良儔豈偶集允為時所望

王中甫桃花鵲圖

朱桃春晝妍綠竹晚色淨雙禽落清池愛羽時弄影  
伊誰悞天巧麗采賦妹靚開圖對華尊式慰今夕永

野瞻野天口... 未州春畫... 王中甫... 周勃中... 式史... 金... 金... 金...

貢禮部玩齋集卷之二

七言古詩

題伊尹耕莘圖

碧海晝沸白日淪禹鼎欲徙湯網仁長繩短董行斃  
躡驅牛獨耕莘野雪有時仰面一長吁青天漫漫風  
烈烈身居畎畝堯舜心忍看民生墮昏沉乾坤闔闢  
係出處幡然起作商家霖先農有詩亦有譜後世南  
陽詠梁父

段節婦吟

河可塞山可移志不可奪義不可虧妾為段家婦年  
紀方及笄上堂奉翁姑入室携兩兒兒死夫亦死此  
生將何為昔如雙鴛鴦今日為孤雌昔如三春花今  
日成枯枝寒風吹短髮明月照空帷百年在世能幾  
時父兮母兮不我知青天在上將誰欺

金谿縣葛烈女廟

金谿廟前草離離金谿廟中兩女兒青山猶似舊時  
色流水不盡行人悲翠翹珠珥垂孔雀廟門深鎖藤  
華落靈風蕭颯半空來髣髴音容啓珠箔憶昔里中

初賦銀銀賦日急家日貧父身榜掠痛欲絕女心憤  
結何由伸鬼狐夜號天漆黑大冶騰騰火光烈可憐  
踴躍雙蛾眉變作蕪金白如雪君不見緹榮上書更  
肉刑木蘭遠赴可汗兵固知才畧過男子不如孝女  
英烈能捐生又不見湘妃江邊淚班竹韓憑冢上連  
理木固知精誠可相召不如孝女感化獨神速赤龍  
金駕參嬋娟萬古日月懸中天人生雖死名不死吁  
嗟丈夫應愧爾

送國字張教授

九鳥彈羽鰲斷足六龍飛光晝相逐何人造書泄機

巧夜夜天陰聞鬼哭岐山鳳遠抖斗空弋鳥爰蟲漸  
湮伏太史方畱鼎足金丞相已變釵頭玉下却拘囚  
死復生三千晚奏雲陽獄自從毛錐擅楷法今古紛  
紛踵遺躅天生真人起北方更遣浮圖出身毒六書  
垂世盡諧聲八體彌文貴句曲黃鍾大呂徒協和鉄  
畫銀鈎謾摹録大音直與造化同陰翕陽舒驗䟽數  
先生典教元非輕直使昌言被殊俗歸來繫馬在堂  
堦莫厭微官就羈束人生得志亦有時萬里晴天好  
黃鵠

黃河行

黃河水水闊無邊深無底其來不知幾萬里或云崑  
崙之山出西紀元氣融結自茲始地維崩今天柱折  
於是橫奔逆激日夜流不已九功歌成四載止黃熊  
化作蒼龍尾雙谷鑿斷海門開兩鄂嶄嶄尚中峙盤  
渦盪激回湍衝射懸崖飛沙斷岸决石瞬息而爭靡  
洪濤巨浪相喧虓怒聲不住從天來初如兩軍戰方  
合飛礮忽下堅壁摧又如豐隆起行雨鞭笞鉄騎驅  
奔雷半空澎湃落銀屋勢連渤澥吞淮瀆天吳九首  
兮魑魅獨足潛潭雨過老蛟吟明月夜照鮪人哭扁  
舟側掛帆一幅滿耳蕭蕭鳥飛速徐邳千里半日程

轉盼青山小如粟吁嗟雄哉其水一石其泥數斗滔  
滔汨汨兮同宇宙之悠久汎中流以擊楫兮招群僊  
而揮手好風兮東來酌河伯兮盃酒

題高麗李衆甫員外稼

三韓山前春草綠柘枝連村桑滿谷大牛飯罷礪雙  
角小犢跳梁野如鹿夜來東原雨新足九扈向人催  
布穀畫省郎官朱兩轂歸佐明王理藩服土膏初起  
如雪沃淺種深耕貴勻熟豈獨勤身化殊俗要使扶  
餘皆菽粟新亭翼翼滄海濱手持酒肉親撫循鳴箏  
擊鼓更吹豳大田多黍高過人車載輦負聲鞞鞞

婁汙耶錯雜陳露處有積居有困鬱金煮酒旨已醇  
葵羹香飯調酸辛句驪唱歌田畷神我有息炎供嘉  
賓醉來歌帽更迭舞韓娥拍手山月吐

為郭宗道祭酒題韓滉移居圖

田夫生長田間住辛苦移家向何處老牛帶犢驢引  
駒婦姑騎過前村去牽衣裹兒囊在肩瓠壺瓦缶縣  
蒲鞮一童翦鬢隨左右兩髯偃僂相後先新來茆屋  
徒四壁東鄰西鄰不相識種田未了主家租又恐官  
司著差役唐朝宰相韓晉公念爾流離多困窮當時  
落筆豈無意正欲廊廟知民風願得轉徙安居室周

公亦曾作無逸

分題得蕪湖月送宋顯夫赴山南僉憲  
蕪湖月碧天無風江似雪與君迢遞行相隨一似都  
門別時節揚州覓得賣鹽船夜來泊向螺磯邊磯邊  
潮平人語靜但見一鏡當空懸君心明白有如此光  
照荊州幾千里郡曹隔岬俟新官識得繡衣前御史  
山南父老來勸酒前日清光還在手

分題得姑蘇臺送吳元振赴江浙省左丞  
姑蘇城外江水綠姑蘇臺是吳王築吳王燕罷越王  
來館娃夜冷宮門開落花飛去春無迹江邊却起姑

蘇驛馬頭旌節何皇皇候吏傳呼謁道傍孤山梅白  
堤柳黃相君入坐中書堂

為紹興虎兒治中題畫魚

大魚跳波長數尺三十六鱗如列戟江湖浩蕩起烟  
雲宇宙蒼茫變朝夕子英方騎一角蒼琴高忽跨双  
尾赤中堂展玩風驟起猶恐神光化空碧

雪後會飲瑞應宮

蓬萊僊人厭煩熱掃盡炎埃為小屑乾坤滉瀆寂無  
聲宇宙糝糊氣方結初裁六出學春嬌漸疊重花妬  
霜烈陰風忽起勢欲攪冷日全遮凍纔徹千門落絮

亂棲鴉萬樹梨花噤啼鴉穿簾入幕自織妍積戶堆  
窓更澄澈時從壁隙印尖斜還向庭隅補虧缺篆文  
一一寄鵝群縞帶双双繞車轍重湖翻捲浪崔嵬曠  
野平堆山巖嶮高屋風吹盡日寒中堂月照通宵潔  
珊瑚色變琪樹開琅玕光射瓊芽茁薄如鋪簾厚如  
茵園者為環斷者玦亭臺蝶化亂翩翩巖洞獅成爭  
噬嚙党家金帳謾麤豪王子扁舟正竒絕始疑瑤池  
會王母羽蓋雲軒擁旌節又疑廣寒會群姝徧舞霓  
裳樂將闋幕中武君真可人載酒滿船邀我別東蒙  
道士號疏放頭戴七星衣似鉄昨朝呼我山上飲錯

認梅花醉中折今晨又請出西門有似生駒脫羈紲  
龍團旋試坐盤桓鶴氅輕披行蹙躡須臾燭龍飛太  
空萬家冰柱懸玲瓏願將和氣先貧窮為歌幽雅祈  
年豐

寄聶高空隱居

盱江之水深且清朝流莫流繞盱城城頭多青山羅  
列如旗旌高空先生澹無營有園數畝屋數楹前當  
闌闌後林麓不種桃花種松竹竹高十丈松百圍還  
來照我軒窓綠先生黑髮今白頭坐閱七十春與秋  
架上書可觀床頭酒可筭或巾車兮遠邁或散策兮

近遊麻姑壇前蓮變色華子岡頭月如玦朝來兩僊  
人為我留秘訣石室探青霞砂床拾紅雪長生大道  
無他求要知富貴如雲浮千鍾粟萬戶侯飄忽真成  
水上漚鳳凰不來黃鶴舉只今誰與先生侶盱江江  
上一釣絲好共閑鷗作賓主

題山水圖

前山後山雲亂起山脚入溪清見底溪南更有山外  
山散如浮塵聚如米老楓枯櫟葉紛紛下有人家深  
閉門釣絲欲收風浪急却回雙艇來籬根老翁曳杖  
行僂僂一童負樵一童斧筆端意度盡神妙卷裏衣  
冠自淳古商周寂寞經幾秦後來莘渭寧無人茫茫  
耕釣去不已武陵竟隔桃花春

題江陰丘文中山水圖

老龍渴飲池中墨飛上半天成崩劣雲烟著地凝不  
開白晝神驅太陰黑筆端巧奪造化功咫尺峰巒千  
萬重長林偃洒楓葉雨虛亭不動松花風隔江更有  
山無數江上扁舟纔半渡他年白髮許重來為君別  
寫容城賦

題太醫宋居仁萬竹軒

文江江上萬竿竹日莫天寒森似玉僊人竹間結茅

屋窓戶蕭蕭護深綠天風忽捲簾當谷坐看琅玕怒  
相觸蒼龍起舞青鸞宿髣髴雲霄度僊曲山中伊誰  
伴幽獨此君何人真不俗杖策東林復西麓千載風  
流一時足黃金鼎煉丹砂熟白玉壺懸湛瓊醪野鹿  
啣芝虎收穀長松吹花落棋局便當乞取長生籙月  
下吹簫弄漪淥

子虛道人歌

吾聞涉海有蓬萊登陸有天台攢峰與絕壁萬仞高  
崔嵬翠屏白石掛飛瀑赤城丹霞駐空谷子虛道人  
位其麓流水桃花繞茅屋問之不笑亦不言却向青

雲借黃鵠黃鵠兮無迹青雲兮何極崇真宮中晝日  
寒一瓢作宇僅容膝吁嗟兮子虛抱道兮不居呼牛  
應牛馬應馬謂僊非僊儒非儒不騎任公之碧驢不  
跨東海之生駒不學汝南市上懸一壺又不學葉令  
朔望飛雙鳧紫丸入口百病蘇邯鄲枉記石室書邇  
來年六十頭髮點漆黑形軀類颯舉骨瘦如鶴立腰  
纏一百錢即去買酒喫醉醒撐目忽大叫海天漫漫  
山月碧許由巢父呼不得江南春水白鷗飛六幅新  
蒲何日歸

書河上成安驛

扁舟落日成安驛驛前危檣密如篋岬高浪急不得  
前爭先進寸復退尺須臾纜定心稍安獨據胡床坐  
深夕水邊燈影正晶熒陌上鈴聲還絡繹纔聽打鼓  
按官舡又見驅車送行客攬衣近前試問誰往來一  
日多數百中原征需若繁劇江南轉輸嚴督責況今  
使者類狼貪水陸鮮肥隨口索致令編戶疲差役生  
計蕭條徒四壁已將弱女納官錢更遣中男補丁額  
曩時河上幾人家今日飄零竟無迹請君置此勿復  
言言罷空令愁思積幾點殘星散空碧船頭別我東  
芴白

題太師贈吳學士墨竹

墨池飛出雙鳳凰青霞碧雲搖日光九重阿閣幾千  
尺如聽羽節飛鏘鏘集賢學士瀛洲客朝回拾得連  
城璧便思手把釣魚竿萬里江南秋水碧

題陳仲明所藏雙松圖

六丁驅雷山石裂乖龍角闔雙屈鉄太陰忽閃鱗甲  
開墨池翻濺吳江雪阿誰挽之茅屋東萬里不斷笙  
竽風天台石橋俱謾爾坐中別有蓬萊宮

次赤城驛

老夫辭家今一月馬上行行過冬節山空野曠風栗

烈木皮三尺吹欲裂貂帽狐裘冷如鉄癡雲作雪還  
未雪自是天公念鴛劣上高下高隨小駮畏轡哦詩  
亦清絕人生何苦事羈紲候吏來迎稍羅列入門登  
堂火微藝須臾凍解通身熱

過浦城

浦城三百六十灘灘灘巨石鳴飛湍四山欲雨風亂  
起霆驅雪迸驚晝寒青竹縛蓬白木榜側坐歌眠任  
搖蕩潭深墨黑蟠蛟螭壯士猶然懾精爽老大平生  
疏且愚安得涉險同坦途形如健鶻膽如虎此心只  
與青天字騰波寶劍今在不夜夜光芒燭牛斗

題楊元初理問送行詩卷

玉堂學士閩西楊當時長策動四方九鼎一筆絲綸  
光星斗錯落成文章白首作史誇三長書成石室金  
匱藏翩然拂袖辭帝旁十年歸卧衡與湘妖狐黠鼠  
爭陸梁芒角煌煌橫撓槍阿玄昔日焚香囊祗今馬  
上能挽強虎皮裁鞍騎驕驪龍泉之劍百寶裝萬夫  
披靡同驅羊既佐大將平武昌鏖殺袁賊走潯陽旌  
旗蔽日浮餘艍大江東下孰敢當耀兵桐汭勢愈張  
吳興嘉禾稍聚糧短衣一諫還錢唐軍門捷書報天  
子遼海雲帆日千里宮墻馳道平似砥披圖畫奏天

顏喜左轄之功近無比賜以裘馬及弓矢錦袍文犀  
鞞珠履涼州葡萄甘且美幙中元初名最躋黃金橫  
帶官作理海若率職波不起百艘南還疾如駛吳山  
越山青靡靡大開中書聽宣旨十萬甲兵齊拜跪推  
牛作炙膾頰鯉一時光耀盛百禮玉堂僊人元不死  
吁嗟畫圖何所似麟閣雲臺有如此

題二馬圖

鐵喙駟連錢駘何年墜影江水中蒲梢西來八尺龍  
天閒十二為爾空五花雲錦吹東風

楊白花

楊白花無定止昨日宮中飛今朝渡江水江水茫茫  
千萬里綿輕雪薄春旖旎把臂踏歌歌未已石頭城  
邊風亂起楊白花無定止

題上虞謝元公春暉堂

東海有母母有兒萬口一出稱孝慈兒在襁褓寒且  
飢母雖不言心自知兒大讀書又讀詩贈以長劔遠  
從師十年走客江水湄氣吞雲夢八九之星斗錯落  
文章竒神駒如龍來月支真珠作轡金作羈追風掣  
電不受騎便欲一蹴超天池天池瑤草淨如拭移得  
靈根種堂北阿母升堂日五色照見舞衣華翠織寸

心有恨恩無極浩蕩春暉誰報得玉桃上壽兒侍側  
兒當作官五鼎食白髮如斯應載黑此時方知教兒  
力文昌星高輝南國

學圃吟

江邊乞地學種蔬。周遭步量弓百餘。十日去耕十日  
鋤。耕鋤未畢僕已痛。東家倩人不受呼。西家倩人納  
官租。菜苗虫食且半枯。昨朝許有今朝無。出門抱甕  
空躊躇。南隣老圃笑我迂。共倚大樹立須臾。手把一  
卷神農書。口稱此事焉可誣。治土貴熟甕貴腴。三犁  
兩耜工力俱。燥濕得所避亢淤。由不辟确堅已狃深

畦淺壟畫成區。四分井字旁通渠。瀏瀏野水翻渴鳥。  
然後種藝皆榮敷。寒暑按節順弗踰。風和日媚雨露  
濡。水菘山芥菠陵苾。韭黃薤白葱菘蘇。綠葵青藿華  
靚姝。藻荇芹苳蘋蓴蕪。瓜瓞芡藕苔荀蒲。蔓菁蘆菹  
連根株。牡丹芍藥萼重跌。茄房豆莢懸瓠壺。紫薑紅  
蓼鬱雕胡。玉延蹲鴟巧相扶。皮毛脫迸明月珠。長頸  
短脰膩理膚。冰漿雪液如凝酥。翠鱗銀甲虬髯鬚。魁  
首肥顏施丹朱。琅玕瓊珀鈎珊瑚。鏡劒摘掇視密疎。  
多盈筐箱少盈裾。削剝淹漬後膳奴。甘麗蟲微薌味  
殊。主奠翼翼賓于于。熟可羨。芼生可咀。適口絕勝羞

僂厨子欲學圃不早圖。只今後時將何如。烈鼎肉食  
稱鄙夫。魚膾日厭葷與魚。請子置之勿次且。褒衣博  
帶歸爾儒。吾計子食當晨晡。家園自足供所需。余嗤  
翁言亦何愚。翁實勤苦少暇娛。白鬚黑面形瘠癯。曠  
即胼胝汗輓轡。滂即腰脛沒垢汙。矧茲惡筐與苦荼。  
加以臭蒜雜穢芻。邪蒿濁菹蕪滑榆。多食嘔泄神志  
瘳。得失往往如瑕瑜。西伯愛敬垂聖謨。太官專膳國  
以墟。曾皙嗜棗宣尼徒。亦有請學譏樊須。孤竹探薇  
終餓殂。屈到好艾竟離居。元亮隱菊多令譽。諸葛元  
脩名豈虛。陶家鑿瓮瘦家殖。黃金不聘蘇東湖。是非

榮辱理不渝。世間萬物皆乘除。翁言固辨亦過諛。隣  
家有酒且共沽。醉酣仰面一長吁。忽見黃鶴翔天衢。

當塗李伯羽母夫人貞節詩

碧天夜落星如雪。甲士長弓射孤月。孤月照孤城。千  
鈞懸一髮。娉婷女兒方及笄。誓將死節愧當時。頸血  
不污春花枝。夫家桑梓青陰垂。生子伯仲好羽儀。青  
山之名天下知。誰其作銘吳太史。蛟龍筆底烟雲紫。  
古來賢母有如此。

秦郵露筋廟

飛鯨校撒天連白草。落日荒原泣姑嫂。嫂留旁舍姑獨

行花顏夜委長淮道亂聲鼓翅腹正飢利嘴嗜膚血  
方飽妾行豈不念辛苦死重如山生似羽欲識當年  
一寸心廟前老樹啼春雨

吳中曲送楊伯幾南遊

鯉魚風起波紋綠枯葭折鶴啼寒玉榜聲催曉渡江  
心驀聽吳娃舊時曲楊郎年少輕別離三尺光芒練  
帶垂虎丘山頭候月出靈巖洞口看雲飛梅花雪點  
身上衣慈母倚門聽馬歸

送左祥卿之香山縣尹

九星排玉雙門開抱旗石鼓青鬼鬼帝子城頭跨龍  
去僊人海上騎羊來禹南燕北天萬里五月河邊青  
雀起鷓鴣膏暖射晴虹海月光寒烟明水宓子琴中  
化易成吟得新詩字字清馬立堦前待衙退刺桐花  
裏鷓鴣鳴

送王士鳳之龍泉縣北鄉巡檢

豹囊殺弓鳴鏑懸白玉為玦鈎重弦雙魚倒勒躍如  
電山人爭識將軍面將軍傳令出白斜桴鼓無聲衆  
不譁前村草長黃犢飽四封寂寂多桑麻三年最書  
還北向當日賢侯在天上腰間寶劍重提携新恩却  
賜龍泉歸

送刁萬戶奏事回蜀

肉髯驕馬來青城朱英畫戟擁朝京  
溪子二石霜月盈魚腸三尺秋水橫  
九門洞開論五兵却賜龍章歸柳營  
雄威繞發貔虎騰猛氣已使豺狼驚  
杏花春雨別行旌兩玉舟深猩血盛  
太白連雲萬里程夕陽到處聽鶉聲

送涇王府蒲司馬西還

重弓滿引鳴鏑和翻身躍馬渡長河  
日高射獵王半醉軍中司馬功最多  
白狼西來獻天子腰間玉龍鱗甲紫  
寶書緘奏動宸京黃封御酒貺邊庭  
弦蒲汭鞠

幾千里芳草萋萋春似水鳥聲山色不勝情  
故生作賦才難比

送鄭伴讀歸省山東

綠烟曉發扶光遲畫橋鳴鴉度低枝  
郎君恰恰燕山歸僊人笑迎兒女隨  
手携松杖高過眉雙舟滿注堂上卮  
五色戲着囊中衣香雪飄飄吐盤螭  
風吹雨脚沸朱絲黃花醉飲秋正宜  
況今太平天子時

送張介臣伴讀歸省濟南

白天迷濛日脚消雪花散亂風飄蕭  
重裘着體如壓鉄呼酒不來寒正驕  
東風足馬去千里仰視王屋當

雲霄到家方慰母心喜入門更聽兒啼嬌華燈夜照  
舞衣熟髣髴鳴鳳和笙簫暗黃着柳垂長條虎闌春  
信趣還鏡一杯遲子城南橋

送友人赴陝西作縣

角聲吹起滿城雪北風蕭蕭嘶小驥銀瓶細溜蒲萄  
熟三疊歌殘人欲別長安西去山嵯峨野曠春濃詩  
思多縣深花拂琴絲和小吏呼籌衙又過莫忘都門  
送時節楊柳枝寒不堪折

輓陳堯

堯草廬吳先生門人也  
有俊才卒年十八

其妻亦痛哭而絕

重舟沃酒魚口熱小袖萊衣雙鳳結春歸白玉不禁  
寒雪兔西沈半山缺望夫化去孤石裂死與韓憑誓  
同穴鬼狐寒食上新丘陰風自掃梨花雪  
上元送別

越王城中燈火明郎君早發越王城春酒一壺歌一  
曲楊柳風吹波面綠

關山月送殷文學還浙西

白波洶湧風初起綠烟漸墮冰壺裏林鳥沙鷗寒不  
棲萬頃玻璃淨如水攬衣推戶仰視天一寸鄉心幾

千里僕夫在門嚴戒程宵人呼籌催罷更街頭蕭蕭  
馬初過城中角角鷄亂鳴嗟哉我亦天涯客握手欲  
別難為情遙憐後夜相思處楓葉滄江一舸輕

送歸彥溫赴河西廉使

賀蘭山前河水西金沙路平香草齊綉衣玉節往問  
俗駭馬顧影時驕嘶當年長身多意氣拔劍歌呼人  
半醉只今太平七十年盡把英豪化仁義甘州枸杞  
紅玉重涼州葡萄醬滿甕九重有詔趨還朝莫惜馳  
囊少分送

貢禮部玩齋集卷之二

貢禮部玩齋集卷之三

五言律詩

子月先三正初陽動六虛氣從溫室候雲向曉臺書  
自許心猶壯誰嗤髮已疎乾坤萬里客何計樂樵漁  
天塹東南地長江日夜流大風吹水立驟雨挾山浮  
浩蕩掀黃鵠歌傾舞白鷗莫憐舟似葉此亦壯哉遊

蘇湖

昨日何處別今朝此地留青山逼岬起白水滿江流  
雨隱巡鹽鼓風腥掛網舟何時歌款乃同買綠簑遊

遊麻姑萬松菴

秋日訪招提雲深處處迷殿門松影直庭檻藥苗齊  
接竹通流水編籬護野畦道人偏愛客留得樹頭梨

又

積雨變秋思清游愜道心過橋分履迹問寺逐鍾音  
紅墮烏爭果綠深魚占陰何當脫塵鞅重此契幽尋

贈方外閒人

白日青天外壺中別有春江湖萬里客宇宙一閒人  
採藥雲歸袖看花月滿身何時重會面醉拂布袍塵

遊江陰君山

孤嶂臨滄海千山湧大江遠帆歸市獨高塔倒波雙  
鷗鷺爭洲淑蛟龍怒石砭壯游心未已飛雨灑樓牕

遊許墅龍華寺

偶到龍華寺因同半日留禪林將結夏客路尚如秋  
衆樹綠偏靜一花紅更幽最憐高岬柳容易繫行舟

遊虎丘

海上地偏勝吳中山更奇畫圖雲洶涌冠佩石叅差

花落談經坐苔封試劔池倚闌烟水濶千載一鷓夷

聽雨堂為周叔量賦

聽雨高堂上君家好弟兄樹深催暮色竹密助秋聲  
列坐情方適連床夢屢驚却憐江海闊鴻雁每孤征

題韓與玉所藏春山行旅圖

乾坤春浩蕩江海日舒徐孤客千山騎雙童一篋書  
桃花溪口渡松葉嶺頭居何日西湖上從君晚結廬

台州寄楊子秀

路轉千峰合溪通一帶斜飯炊黃渡雪酒染赤城霞  
未訪仙人宅先尋博士家近聞歸隱處盡種碧桃花

興化湄洲島祠天妃還

清朝嚴典禮宣閣遣詞臣衣帶天邊雪花逢海上春  
稍能更祀事亦足慰疲民萬里行方遠朝來更問津

又

夜宿吳山上朝行莆海東地偏元少雪天闊自多風  
不見波濤險寧知造化功百年神女廟長護海霞紅

題程以文竹雨山房

山人愛種竹竹高上雲端屋近琅玕潤林深翡翠寒  
好栽鳴鳳管莫截釣魚竿白髮相鄰處時時一問安

又

天上春雷起山中夜雨過林聲遙帶瀑池影淨生波  
對坐此君獨迎門稚子多何時深翠裏擊節共長哦

梁山澳

涼雨忽飛過濕雲猶涌來渚花紅陣陣汀樹綠堆堆  
一鶴搏空起雙鳧觸浪開梁山非舊俗禾黍滿高臺

東昌次孟景章韻

溪滑魚苔淺沙柔馬蘭長一鷗當水浴双燕背人翔  
客路頻看月征帆尚帶霜灣灣見花柳回首重思鄉

送陳子敬赴南昌尉

送君南作尉黃綬去翩翩縣倚邊江郡花迎上水船

自憐官至印人喜吏如僊定見雙鴻鴻飛來御史前

送國子伴讀張德貞歸湖南

蘄北湖南路孤舟萬里程晴天黃鵠健春水白鷗輕  
芳草歸時恨閑花別後情定知袍笏貴不似綵衣榮

南城監試和同院張進遠韻

清朝隆禮治僊館榮翬良冠冕山河大文章日月光  
九閩嚴虎豹千仞下鸞凰此日橋門盛何論漢與唐

送李盤野

秋水芙蓉岬孤帆天上歸青山四面起白鴈數行飛  
里父供新醪家人澣舊衣封侯定何事且理釣魚磯

題劉子明西雲亭

野樹偏宜晚江花欲變秋  
幌明霞散綺簾暗月沉鉤  
解補青山闕還生白髮愁  
何時作霖雨却共水東流

送國子生哲德明歸淮西觀省

落日青山外西風白鴈邊  
幾人同飲酒一客自開船  
江蟹經霜美淮魚出水鮮  
遙知到家日白髮語燈前

送華以愚南歸

禁城秋雨後柰此薄寒何  
江上書來少吳中客去多  
莫帆依橘袖晨爨就蒲荷  
遙想歸榮處鄉人日醉過

分題得獲麟堆送李伯貞廉使往山東

青雲慚故友白髮感新知  
最好南山石相看可樂飢

文

日移棋局晚山落酒盃寒  
攔蝶穿花濕窓禽飲硯乾  
夢魂空宛句音問阻長干  
多病文園客秋來強自安

春晚書懷

東吳喪亂後消息竟何如  
日望平安信空傳報捷書  
壯心徒感激老淚獨欷歔  
坐對垂楊晚行人江上踈

又

江黑雨將至水高潮正來  
花隨兩岬別鷗逐片帆開  
世治逢多難吾生愧不才  
飄零添白髮見者莫驚猜

寄靜庵上人  
細雨桐花晚。微風麥氣秋。  
王符偏好學。宋玉不勝愁。  
世事同蕉鹿。人心類棘猴。  
何時虎溪上。還共遠公遊。

憶姪景

相望亦何遠。夢中頻見之。  
干戈連數歲。書問動經時。  
寂寞揚雄賦。飄零杜甫詩。  
江東春樹綠。偏重阿咸思。

又

自汝南臺去。樓遲兩見春。  
鼓鼙江上月。烽火海邊塵。  
衰病全非昔。傳聞總不真。  
近知更大將。旗幟一時新。

憶吳會草堂芭蕉寄汪仲恭

別後芭蕉樹。青青定長成。  
月移窓上影。雨送枕邊聲。  
愛惜煩吾友。飄零愧此生。  
更需花實大。同飲露華清。

和馬仲臯立秋韻

酒盡青山莫。書從白鴈過。  
長風斷疏雨。缺月掛明河。  
故國逢人少。新秋到客多。  
不知滄海上。何日罷干戈。

又

一向城東住。荒涼客少過。  
疾雷時送雨。陋巷忽成河。  
自許丹心在。誰喚白髮多。  
平生二三策。可是勝橫戈。

題朱質夫東塾草堂

幽人海昌住。草屋向村墟。  
擊竹頻呼鶴。分泉謾種魚。

梨花春。卷冷榆葉夜。窓虛細雨。篝燈火。匡床正讀書。

題奧屯秋江墨蹟  
滄江渺何許。歲晚正愁予。密諫囊無橐。閒吟卷有書。  
青天來鷺鷥。秋水照芙蓉。風致今誰似。令人憶使車。

贈李可度

當年丞相掾。孤劍泊天涯。白日懸心事。青春老鬢華。  
定憐鴻有路。終愧燕無家。志士須聞道。人情付落花。

赴京道中

風雨新河口。孤舟此日行。送多親友義。別見弟兄情。  
路識春山熟。洲迷雪水生。臨岐重回首。一鴈起江城。

茅市簡友人

願我行方遠。憐君意倍親。雪蓬依渡口。雨笠待河濱。  
酒熟還留飲。詩成不厭貧。相期重下馬。花柳隔年春。

贈張士方

昔年東海上。曾共綉衣行。小吏啣冤久。分司用法平。  
江沙清可數。海月晦還生。陰德今誰似。于公有令名。

以拄杖贈程以文先生

海上枕椰樹。殷勤舉一枝。功能扶正直。力可濟顛危。  
文玉膚生潤。玄犀質換奇。何時同野服。江海遠相期。

茂上人古木圖

老龍起聽法，蛭骨在空山。雲迥青天潤，風來白日閑。  
曲身雖偃蹇，直氣自孱顏。株坐誰偏似，禪歸晝掩關。

鷓鴣窩驛

鷓鴣入雲去，空巖遺舊窩。冷烟迎日少，晴雪背陰多。  
擾擾群烏集，蕭蕭數騎過。此時孤館客，歸思竟如何。

洪棧驛

萬壑從東下，群峰向北圍。牛車絙水去，驢馱負薪歸。  
隙日斜窺戶，尖風直透衣。羈懷正無賴，一鶚向南飛。

王元吉蘿月山房

每愛城南宅，空庭坐夜分。陰垂青裊裊，光漏白紛紛。

卷幔飄花露，開尊度碧雲。何時牽薜荔，猿鶴與同群。

教上人蒲室

上人蒲作室，絕似睦州禪。父母今誰養，弟兄惟汝賢。  
齋房連紫竹，佛座擁紅蓮。明日長蘆去，春江正拍天。  
許光遠先世讀書樓

會稽韓道士滄洲

風雨四山至，空江生早寒。白鷗秋水，上黃鵠莫雲端。  
杜若人移棹，蓬萊客倚闌。何時分一曲，同把釣魚竿。

林茂人林林盡來客爵國河都台一山回野隱魚竿  
風雨四山至空山土早寒日幽林木上清海遠真歸

會館新置士家  
林林盡來客爵國河都台一山回野隱魚竿

高對當朝上自容五言書何博十和游國日西名  
指火意去甘語言熱

貢禮部玩齋集卷之三終  
後學會稽沈性編校

卷之四  
後學餘姚史元熙重刊

貢禮部玩齋集卷之四

後學會稽沈性編校  
後學餘姚史元熙重刊

七言律詩

和石田馬學士殿試後韻

丁卯歲學士與先君同為讀卷官在院倡  
和甚多此則放榜後所作韻也

春風馳道入宮墻青瑣深沉引夕郎草染綠波生太  
液花扶紅日上披香聲名已重千金璧恩寵方隆七  
寶牀治世斯文今極盛九天星斗自成章

送賈有恒赴潞城縣令

上黨人參五葉齊。即君今日馬行西。滿溪藍水魚初上。繞縣青山鷺亂啼。小吏報籌衙欲退。長官封印手還題。洛陽自古多才思。好賦新詩寫赫蹏。

送陳太祝使江浙收禮畧樂書二首

天子齊明奉宗廟。容臺祇飭備儀章。雲雷出地雕彝鼎。日月懸天畫衣裳。駟騎晝停山木蔭。船窓風度水花涼。過家莫醉紅樓月。上國迴鸞欲禘嘗。六月樓船泛御河。太平樂譜自編摩。鳳鳴嶰谷曾吹律。馬出蒲稍更作歌。古尺要將諸部定。新聲還用四

清和器成早入神庭奏人頌明時瑞應多

壽巖巖子山學士

上林春滿樹蒼蒼。別殿新頒外國香。龍虎風雲依日馭。斗牛河漢列天章。瀛洲勅賜黃金榜。學士名高白玉堂。千載太平今有在。文昌高映紫微光。

崇真宮醮罷勅畫吳宗師像

海日曛曛照九衢。霓旌霞旆擁高居。尚方勅畫僊官像。中使傳宣學士書。劒氣朝寒垂白練。丹光夜暖出紅蕖。石壇醮罷清如水。猶聽松陰起步虛。

贈盧醫

豫章盧斌好遠遊。落魄燕臺今白頭。酒家不識灤都尉。女子迺知韓伯休。天茄結實庭戶晚。山藥作花籬落秋。投老欲歸尋舊隱。忽騎孤鶴過揚州。

畫馬

漢家旌節渡流沙。奪得戎王鐵喙騮。天上白魚秋弄影。月中玄兔夜生花。九圖妙入將軍筆。八駿神空阿母家。獨控奚官更超絕。長揪錦隊謾如霞。

送黎兵胡萬戶南還

將軍仗策去安邊。詔下東南萬里天。雲海旌麾趨玉帳。春江鼓角載樓船。黎人滿溜檣櫓水。蠻戶齊分壯

礪田。遙想軍中無一事。坐驅千騎獵平川。

送陶翁歸豫章

秋雨初晴擺極香。蟹紅魚白憶江鄉。十年客枕鷄聲月。千里歸帆鴈背霜。入室親朋羅酒饌。上堂兒女挽衣裳。逢人莫說京華事。漢署今無白髮郎。

費秀才進所著春秋歸

雲滿青山雪滿頭。一生辛苦著春秋。抱書不向公車獻。遣使須煩謁者求。翁子行年當富貴。虞卿終老豈窮愁。玉盃繁露應非舊。更請先生為校讐。

送壽弘毅應奉赴興國路經歷

院門深鎖落松花。東接蓬萊小海斜。絳蠟夜深催視  
草。紫泥春早聽宣麻。鳳凰池上人辭直。鴻鴈江南客  
過家。幙府秋來清似水。吟詩應對白鷗沙。

次泗安光上人韻是日聞有供奉之除

水氣朝寒生白烟。寺前楊柳繫吳船。佛燈紅映流蘇  
座。僧榻青裁海艾氊。書報誤叨金馬召。厨空應愧木  
魚懸。定知別後相思處。楓葉蘆花宛句邊。

天壽節日大明宮朝罷口占柬張約中博士

金門珠箔轉迴廊。文武分班有舊章。花露重沾腰佩  
濕。松風輕度鬢絲涼。仗隨騏驥通朝貢。盃進夔龍祝

壽康。最喜大常張博士。清標如雪照鵷行。

江浙獻嘉禾賀丞相朶公

玉燭金穰屬化鈞。九農和氣洽深仁。靈根獨占山河  
秀。顆粒先迴宇宙春。天上畫圖方入貢。江南簫鼓正  
迎神。作書願紀成周治。慙愧無才備史臣。

南城試院和張仲舉博士

紅燭搖光坐夜分。學宮魚鑰鎖重門。歸心已逐南湖  
鴈。壯志空慚北海鯤。旁几香添霜漸冷。隔簾燈過月  
微昏。校文歸向西曹日。會送夔龍謁至尊。

送林希元應奉赴上虞縣尹

居庸雪消河水深南行賴有買舟金相如多病因能  
賦東野長貧為苦吟已許姓名辭鳳闕更傳聲價到  
鷄林白頭作縣臨東海誰識先生去住心

送余廷季赴海東僉憲

綠髮相從白髮生都門握手倍多情論交豈少新朋  
友對酒何如老弟兄玉節綉衣江上騎苑花宮柳日  
邊鷺使星一夜移東海定遣文章到兩京

試院和周伯溫待制韻

群僊盛集瀛洲館丹鼎夫容徹夜開斗下璿魁聯外  
府坐間珠唾落中台黃封酒醉賓進散絳蠟紗籠佩

馬廻禮樂光華當此日九重側席正需才

送蘇伯脩侍郎赴淮東廉使

黃金臺上受新恩還向長陽謁至尊行殿曉寒頒玉  
節驛亭春暖簇朱轡青蒲葉短烟波闊黃柳枝長雪  
水渾別後新詩好相寄廣陵冠蓋接都門

送吏部郎中王可表出守棣州

別殿春深奏選歸雙旌新賜出王畿齊東山水開船  
近天上星辰聽履稀竹馬總來迎使節金魚猶似掛  
朝衣遙知取政還車日定草封章謁紫薇

題張真人父一閭堂

輻輳兩耳深二十石車朱  
輻輳于石至六百石朱左

真人觀

真人騎鶴下蓬萊。詔許諸孫次第來。玉佩春隨黃道轉。綠章夜並紫雲開。香分別殿傳中使。書賜名山映上台。還向僊都拜家慶。碧苑千樹擁霞杯。

送周舍人赴山南宣慰司照磨

紫衣袖窄金圍重。花底傳呼出殿遲。欲向新年開幕府。還思舊日進朝儀。雪寒淮水魚方出。歲晚江陵橘尚垂。料得中朝盡知己。重來應是不多時。

送篤敬夫赴南臺御史

御街初日柳稍紅。鷹角新冠出禁中。天上使華恩詔密。江南民瘼奏書通。九霄風送孤飛鶚。萬里雲隨一

騎。驄。欲把真心酬聖主。青松多種石臺東。

題四川張萬戶夫人貞節卷

白帝樓前巷陌深。將軍旌旆正沉沉。玉簫聲斷孤鸞曲。綠綺絃空別鶴吟。豈是人生輕一羽。要知妾死重千金。春風冢上連枝樹。只有韓憑會此心。

贈僊居散人

青山四面玉嵒峩。中有山人隱薜蘿。細雨閑門芳草滿。微風深澗落花多。童窺丹竈時驚鶴。客寫黃庭欲換鵝。我亦平生愛疏散。春來應許謝朝珂。

送道士王仲遠還江州玄妙觀就東李于威

太守

羽節參差佩陸離蓬萊坊裏日偏遲花邊奏簡雙鸞  
至松下携琴一鶴隨白日常過燕市飯青春忽動庾  
樓思江州太守吾知己為說年來鬢已絲

送大都路陳學錄使往江浙造祭器雅樂

世祖投戈事邊豆素王宮殿在南城百年禮樂當今  
日一代文華寄此行潞水朝寒初過鴈浙江春晚尚  
啼鶯還鄉莫為尊鱸遲祀典由來重兩京

送呂師賢赴山北憲史

白月微沉曙色紅憐君書劍別匆匆臺高日望群鳥

北海閣雲隨一鶴東俗古尚遺箕子教官清還慕伯  
夷風遙知六轡巡行處馬上看山日日同

送東流葉縣尹

江流東下縣南遷一簇人烟野岬邊荻笋洲青鷗鳥  
狎楊花浪白鱗魚鮮印來聚吏排衙鼓社到隨民出  
俸錢應是綉衣行部處攔街齊頌長官賢

壽吳宗師

帝遣真僊位上卿五城迢遞接蓬瀛雲浮紫氣旌幢  
潤日射紅光劍佩明池館畫閣教鶴舞江湖歲晚結  
鷗盟軒轅曾訪長生術應信崆峒有廣成

贈毛李祥還江南  
白面書生江漢客  
幾年琴劍落京華  
聞雞曾度居庸  
雪立馬還看上苑花  
楊柳枝長方去國  
蘼蕪葉短已還家  
遙知綵袖娛親處  
酒暈微生兩臉霞

送臺典張子誠辟山北憲史

夫容幙府清如水  
愛子新來意氣多天  
近烏臺依執法  
風清黃閣聽鳴珂  
燕山北望千峰盡  
遼海東迴一騎過  
刀筆曾為漢丞相  
起家應不愧蕭何

送安南使者黎括省之

四海光華明主德  
萬方奔走遠臣心  
來依北斗朝闈

闔歸逐南流  
過鬱林  
椰子酒酣歌蹋蹋  
刺桐花落馬駸駸  
遙知下國郊迎日  
首啟金函播玉音

送舒亦誠南歸

芳草生庭履跡稀  
棠梨花落燕交飛  
題詩忽報客將去  
出戶却知春已歸  
天上雲開黃鵠健  
江南水長白魚肥  
人生寂是閒中樂  
早晚相從賦式微

送黃子中南還

雪風吹寒春尚遲  
暗黃恰上楊柳枝  
東門立馬旋沽酒  
南浦停舟還賦詩  
去路間閔須約伴  
到家歡喜總忘疲  
相如自是多才思  
未必閒居兩鬢絲

廣微天師祈雪有應詩以美之

九枝鐙照碧壇空。龍虎旗高滿殿風。綠簡夜深朝玉  
陛。素幢春淺拂珠宮。一天凍色星河合。萬里冰華陸  
海同。明日內家應錫宴。綵符爭取綴釵蟲。

送王彬叔赴淮西憲史

黃金築臺高差峩。抱犢憐君日日過。丹鳳銜書辭奠  
闕。白魚供酒過淮河。京華遠去交游少。幙府新來贊  
畫多。料得聲名從此起。分司行處聽民歌。

送連子奇歸隱贛州

薊門風冷白鵝來。萬里孤舟一日開。去路定過彭澤

縣。到家重上鬱孤臺。煮茶林下收黃葉。理釣磯邊掃  
綠苔。太史明朝占處士。少微依舊傍三台。

送馬叔敬赴江西醫學提舉

柳花飛盡綠陰多。萬里歸船發御河。自嘆官閒無客  
到。却憐君去有誰過。丹成海上收瑤草。酒熟江南醉  
碧荷。何日定將醫國手。為民談笑起沉痾。

送黃季亨赴永嘉松山巡檢

萬里船開直到門。江南楊柳雪紛紛。馬前士卒爭誇  
武。坐上將軍喜論文。夜月村深宜紡績。春風海熟稱  
耕耘。舊時逸少曾遊處。綠水青山帶夕曛。

林林詩題河間榮溥孝義堂溥嘗事哈散丞相既被  
為坐土罪衆皆散溥獨收尸以葬後又白其寃得復  
萬里詔封爵今溥官  
亦至四品云  
丞相門前客如市一落陷阱烟塵空解衣哭尸壯士  
志吞炭報主前人風氣摧青山作平地精貫白日成  
長虹當時富貴不復見惟有節義垂無窮

上都詠馬大燕

紫雲扶日上璇題萬騎來朝隊仗齊織翠轡長攢孔  
雀鏤金鞍重嵌文犀行迎御輦爭先避立近天墀不

敢嘶十二街頭人聚看傳言丞相過沙堤  
撥閭別殿擁僊曹寶蓋沉沉御座高丹鳳啣珠裝駉  
裏玉龍蟠甕注葡萄百年典禮威儀盛一代衣冠意  
氣豪中使傳宣捲珠箔日華偏照鬱金袍  
卿雲弄彩日重暉一色金沙接翠微野蕪露肥黃鼠  
出地椒風軟白翎飛水精殿上開珠扇雲母屏中見  
衮衣走馬何人偏醉甚錦鞞賜得海青歸  
蕭韶九奏南風起沙燕高低撲繡簾醺醺酒多杯迭  
進鷓鴣香少火重添舊分宮錦緣衣禡新賜奩珠簇  
帽簷日午大官供異味金盤更換水晶鹽

清涼上國勝瑤池。四海梯航燕一時。豈謂朝廷誇盛大。要同民物樂雍熙。當筵受几存周禮。拔劍論功陋漢儀。此日從官多獻賦。何人為誦武公詩。

京亦去過柳河

野曠山寒露易霜。短榆疎柳路茫茫。雨來黃潦聚成海。風過白沙堆作岡。驛館到時逢數騎。馳車宿處錯群羊。客懷政爾無聊賴。忽見南飛鴈一行。

將干嶺

病體朝來正苦寒。驛程又報度將干。出門莫怪山谿險。到嶺不知天地寬。鶴背旋風欺客帽。馬頭飛雪點

征鞍。此中自是真僊境。何用吹笙駕玉鸞。

榆林有感

老夫白髮已如許。山後馳驅動數年。止為貧民均馬政。何嫌富戶倍車錢。人生要在心無愧。物論難齊理自然。欲盡微忠報明主。簡書深夜手重編。

送上都吳學錄歸河東就試

驅車直渡灤河水。千里青山半月程。自信文章當世用。人言書劍到家榮。上林久已稱司馬。宣室終須召賈生。料得鳳池春色滿。柳陰立馬共聽鶯。

刺室翁上京和周伯溫御史韻

漢室論功誰最多封侯第一是蕭何從知將相元無  
種却笑神僊亦有魔映月蠹魚成脉望倚風飛燕避  
淘河憑闌欲說行藏事萬里長空碧似磨

挽李千戶

灤陽草色易黃昏忽報將軍號令新落日青山移石  
壘西風白野動邊塵雙弓直挫三千士一劍長先五  
百人太史已書忠孝節佇看高塚卧麒麟

榆林道中

兩行官柳夾長隄縷縷青絲拂面齊馬上睡來渾似  
醉客中詩就却忘題一天煩暑都成兩百里平沙不

作泥自笑微臣頻扈從年年載筆度山溪

興安道中

萬重山後人行路五百年前古戰場落日松榆接鷄  
犬秋風禾黍沒牛羊自逢治化躋堯舜誰論封疆過  
漢唐慙愧小臣無補報清時白髮許徜徉

寄王魯川推官

公庭草綠訟聲稀時見雙雙蛺蝶飛曹吏盡隨衙鼓  
散理官獨抱獄書歸曾同太守行紅旆更與高僧別  
翠微近報南臺多辟薦殿前早晚賜朝衣

送胡斯文辟南臺掾

鳳凰臺下水東流。潮去潮來白石頭。細雨一帆人到  
岬。清風兩袖客登樓。幕開江上紅蓮日。書寄山中碧  
樹秋。珍重此行多意氣。繡衣玉節定重游。

送倪秀才從學維揚

日日南風吹水立。掛帆槌鼓下解艘。青山落酒鸞到  
岬。明月照書還倚窓。文章少年誰第一。才華近日子  
無雙。綵衣在篋須頻看。歲晚還時鶴遇江。

送孟景章赴廬州判官

先帝初開太禧院。一時郎吏盡瓌奇。名高闕下心如  
鐵。官到淮南鬢已絲。月照寒庭空視牘。雲開秋興偶

成詩舊遊天上多。相憶早折梅花寄所思。

送友人還錢唐

海門飛雪涌潮頭。萬里乘風起壯遊。隔岬爭呼楊柳  
渡。到家先買浙江樓。才高班馬非無賦。世治蘇張似  
少謀。賴有玉堂知己在。人生何必定封侯。

送宋仁甫赴池州陰陽教授

北風吹雪路漫漫。萬里荆門客正寒。自愛青衫同博  
士也。勝白髮老長安。城南款段此時別。江上夫容到  
日看。我亦春來買舟去。九華絕頂望揚瀾。

贈日者范竹友

溪流繞屋綠如苔。箇箇琅玕手自栽。勁節久宜君子號。清懷近為故人開。夜窓風雨驚龍起。秋谷烟霞待鶴來。誰似丹陽袁太守。時時車騎一裘回。

送吳師禮赴池州直學

大江西下九華東。古殿重扉鎖學宮。載酒滿船歌白苧。題詩送客憶青楓。蒲蓮歲熟倉箱實。鹿豕秋肥俎豆豐。遙想郡齋多暇日。壺觴時在翠微中。

題括蒼潘照磨具慶堂

十年孤客三尺劍。七袞雙親萬里家。江上離歌催疊雪。山中壽酒酌流霞。登堂白髮同鳩杖。繞徑紅顏共

鹿車。莫羨飛丹似霜雪。括蒼品畔有松花。

送徐復初辟掾南

闔閭城外望金陵。千里江流一帶青。桃葉風生催客渡。杏花雨過別郵亭。黃金臺上書方到。采石磯邊酒卻醒。應是紀綱多暇日。綠陰清晝坐閒庭。

芝庭為吳中靈子文賦

斜闌曲檻護春晴。五色金花照眼明。南極星低疑瑞采。東吳雲近結華英。封書欲跨青鸞奏。上壽還隨白鹿行。謝氏諸郎才搃俊。唯應幼度寂知名。

送醫士王安重

滿天風露氣蒼蒼十二臺高桂子香白兔夜寒分玉  
兔紅蓮春暖長沙床上醫名就肱三折大藥功成視  
一方海上謾傳瓜五色長生元不遠昌陽

贈寫神鏡塘上人歸京口

鶴翎風動碧天涼寶月新凝百鍊霜水面散成千種  
影波心元只一輪光玉簪道士來空室金粟維摩現  
上方此去要觀真瀆相却收畫本過維揚

別周鍊師雲臺真館

二十八將已僊去真館有臺名偶同白鶴千年來故  
國青山萬疊起神宮有時採藥幽澗底無事種花深

谷中昨夜曾携龍虎出一壇明月滿旗風

送周希元高士歸廬山

萬里江湖第一關波濤洶涌接廬山九華雲度青天  
閣五老峰迴白日間鍊藥房中猿候火散花壇上鶴  
隨班何時倚棹清溪曲一笑相從覓大還

送韓執中還錢唐

萬里長江風浪多拂衣長別意如何獻書買誼非無  
術決策揚雄自有科羽檄定逢河上捷畫船還聽越  
中歌何時乞取閒身去共倚湖亭醉碧荷

京對百題廬山楊宗鄉思永樓

危樓百尺倚匡廬。西蜀衣冠幾世居。對客每傾桑落酒。傳家猶有草玄書。天寒倚柱招黃鶴。日暮憑闌數白魚。萬里岷峨歸未得。亂雲飛處正愁予。

新蝶

杏樹生香蠹化成。向人飛下不勝情。寒辭薄翅猶粘粉。暖溢柔鬢始弄晴。燕舞盤中嫌露重。鶯歌扇底避風輕。春閨未解南華夢。乞與滕王為寫生。

月舫為袁鍊師賦

老龍吹浪滿江湖。雪兔西飛碧落孤。太乙方乘蓮葉葉。藻僊還倚樹三珠。開窻白露沾瓊佩。對酒寒光射

玉壺。萬頃秋波看不盡。却携靈藥上玄都。

送成誼叔應奉分院上京并呈謝敬德學士

太平天子重時巡。首詔詞林擢侍臣。書載駝車隨劍珮。射從熊館代絲綸。片雲忽送摩姑雨。五月方開芍藥春。想得班揚才最臆。龍山立馬賦詩頻。

東呂仲實左丞

十五年前舊供奉。一官留滯越王城。不因左轄輸公道。誰向南州進老生。史學是非從筆削。人才輕重在權衡。甘泉奏對歸來晚。猶草封章獻治平。

送趙國瑞舍人赴澤州同知

太行雲起亂山青。馬上風吹別酒醒。試論文章惟晉國。還思典禮在虞廷。賣刀民化耕春雨。佐印官清戴曉星。迴首晴霄十萬里。大鵬終見徙南溟。

送明原道赴南豐判官

日華西轉萬年枝。記得甘泉奏賦歸。佩馬新迎州倅節。緋魚舊賜從臣衣。詩成江驛梅花瘦。酒醒山城蕨菜肥。為謝南豐舊詩友。白鷗春夢繞苔磯。

送江西傅與礪赴廣州教授

買得吳船便欲東。更騎羸馬別諸公。文聲久許江西盛。詩律因歸海外工。人羨義陽封介子。客從秦時薦

揚雄。五羊城下南風起。茉莉花香荔子紅。

彭叔輿赴尼山書院長

少年才學動儀曹。旋賜朝衣換鵝袍。萬水東歸滄海闊。千厓北拱岱山高。杏花壇近蒸紅雪。楷木林深漲碧濤。珍重此行多令譽。古來齊魯出英豪。

寄郡士陶公美

問君生事竟何如。亂石溪邊小卜居。止酒久知揮白墮。論詩今喜到黃初。天寒門外數株柳。歲晚山中一束書。賴得西庄頗相近。蒼頭時遣寄雙魚。天寒落葉滿庭臯。此夕思君正鬱陶。百里青山來款

段一庭明月舞豪曹買生未遇才因大王粲雖窮氣  
自高何事相逢又相別且燒紅蠟醉春醪

輓侯敬文秀才

客裏青燈二十年手書細字動成編扁舟觸熱方辭  
館孤劍橫秋已夢僊山下數椽仍舊屋溪南半頃足  
新田可憐鉅鹿侯芭去誰與揚雄論太玄

采石和劉顯仁即事韻

下水春生巴蜀雪上江人駕武昌船晚風天外三弄  
笛落日淮南一簇烟斷岬淺莎行獨鶴危磯倒樹立  
雙鳶綵霞又報明朝霽瑟瑟紅光萬縷懸

徐州

白雲天際散如衣。四百青山落水涯。鑿石空遺唐將  
廟。連峰猶豎漢臣旗。魚龍浪挾黃樓動。牛斗星隨碧  
漢垂。醉倚船窓問河伯。濁流何日是清時。

冠州

萬里關山鬢易華冠州橋下御河斜。千門烟冷分榆  
火。三月春寒見杏花。新水聚船人趁市。順風吹旆客  
還家。莫憐書劍頻漂泊。擬學東陵老種瓜。

送汪生還江南

漕河水泮水溶溶。百尺帆開五兩風。戲綵歸人從海

上倚門慈母問遼東  
漁罾荻筭灣灣綠酒旆  
桃花處  
處紅莫向江南久  
留滯龍山還有北來鴻

送賈舍人赴廣東宣慰司照磨

五月南風起舳舻  
番禺曾是趙王居  
貌貅萬竄新趨  
幕虎豹千門舊直廬  
茉莉編籬香旖旎  
蔓藤接屋影  
扶踈故人畫諾如  
流水報政還應得  
宸書

代祀還呈太師

丞相傳宣出紫宸  
鶯花萬里浙江春  
捷書近已擒豺  
虎瑞紀還先慶鳳麟  
宇宙經綸歸聖主  
山河帶礪屬  
元臣幾迴凝睇雲  
霄上夜夜三台拱  
北辰

年來供奉屢遷官  
聖主恩同宇宙寬  
左部正慚疏吏  
擯西曹仍許進儒冠  
清時有道遭逢易  
白髮無才補  
報難却上船頭望  
江月天風吹露不  
勝寒

新州寄馮素月彥明二都水丞

天子時巡猶北駐  
詞臣將命許南行  
遠聞都水來新  
濟到說分司在鄆城  
玉節遙知連海潤  
金函近見報  
河清丈夫莫為離  
愁惜要把文章佐  
太平

朱仲文編脩還江西諸公分題賦詩為餞予

適同載南歸約至揚子橋頭水似雲  
夾岬夫渠紅旖  
瓜州渡口山如浪  
揚子橋頭水似雲  
夾岬夫渠紅旖

旄滿汀揚柳綠紛紜一杯酒向今朝別萬里船從此  
處分他日重來須艤棹莫教驚散白鷗群

○祁州和劉顯臣韻

吳船蕩漾一毫輕楚客飄零萬里情驟雨挾雲行斷  
岬亂山湧浪入孤城黃河風起鷗無侶紫塞春深鴈  
有程莫怪仲宣多感慨朝來白髮鏡中生

晚泊祁州

一帶黃河百折灣下祁城外更潺湲烟迷兩岬疑無  
地日落中原喜有山法重鹽租嚴犯界官多魚稅倍  
征關白頭父老相逢處猶似圮橋授履還

彭城懷古

戲馬臺前擁旆旌三齊纔破到彭城項王帳底猶虞  
舞漢祖軍中盡楚聲百二山河功自棄八千弟子勢  
都傾月明閒卻烏江渡長使英雄恨不平

崔鎮喜邵少監至

使君五月渡黃河白髮依然壯志多且喜掛帆來舊  
約何妨釃酒起高歌船頭北斗五更落枕尾南風連  
夜過自笑驅馳成底事漪湖閒却釣魚簑

高郵夜泊

薄莫秦郵聚客舩孤城三面接水田戍樓月映高低

雪漁市星搖上下天千里綠蕪分曙色萬家紅粟起  
炊烟南風忽乞舟人便幅幅蒲帆盡北懸

揚州別幹克莊僉憲

紅日東生綠靄收海風吹客到揚州露分僊掌金盤  
冷香動瓊花玉樹秋使者乘驄開大府僊人騎鶴醉  
高樓朝來別我垂楊岬珂佩如雲簇水頭

婁家港祠神回寄元臣僉憲子約監郡

函香海上祠神罷獨駕樓船夜半迴萬里長風催掛  
席一天明月阻登臺綉衣人仰邦侯至玉節官分水  
部來只尺相望不相見白蘋洲渚重裴回

江陰君山次陸子方韻

畫橋垂柳傍官壕夾岬青山擁雪濤楚相立墟遺石  
馬楚王宮殿壓金鰲天迷鴻鴈江流闊風撼魚龍海  
氣高此日登臨無限意古今消盡幾英豪

輓汪尚書妻譙國夫人

尚書謝政江南去特許夫人大國封春日堂尊酒  
共歲時環坐綵衣重離鷺忽奏雲中瑟別鶴還歸隴  
上松白髮夫君正愁絕空江何處採夫容

輓王君佐秀才

十里青山宅一區平生甘分隱樵漁新詩自寫因求

序故篋常隨為教書杖屨在門人去遠壺觴掛壁客  
來疏白雲滿地松陰冷孤鶴時時守墓廬

和楊德章監憲詠物詩

僊子初裁蜀錦裳玉壺清映內家粧一百五日夜尚  
好三十六宮春正長新綠漸生應帶露舊紅微褪為  
經霜自從深院留題後一任東風上下狂右瓶中百  
日海棠  
僊標厭入錦雲鄉却傲冰霜取次芳銀燭高烧遊太  
液紫綿初拂侍明光春撓杏蒂微生暈暖漏梅梢欲  
試粧不是東君偏耐冷要將風韻入詩囊右冬日海  
棠

送蜀士史道章訪番昌張縣尹

上江船裏枕書看雪浪千堆寄一翰太白山人元蜀  
學番昌縣令只儒冠渚花對酒公庭晚沙草憐衣客  
路寒携得琅玕滿歸袖謝公臺在碧雲端

送赴試春官

水落沙痕寄岬齊冬深無雪齊生泥遙知上馬徐州  
北且看開船向水西待詔門開金駟裏榮恩燕賜玉  
偏提若將文字追時好萬里雲霄自有梯

送內官棄職買書歸蜀立三賢祠

內官買書三十萬從此聲名天下知正為身輕歸印  
早不妨船重到家遲客非杜甫依嚴日人是文翁化

蜀時愧我無由能載酒敲門頻問子雲奇

輓陳公輔縣尹

短衣垂脛寄遺孤自立聲名重里閭座上昇彝前代  
器篋中經史外家書縣花春老初封印庭藥秋慵久  
廢耒惆悵冰壺清絕處露寒應是泣蟾蜍

峨眉山

霧作衣裳雲作屏玻璃萬頃看娉婷望夫石上偏多  
雨織女河邊欲墮星蟬鍊夏涼妝淺絳蟾蜍秋冷抹  
長青可憐天際微顰處六代興亡一夢醒

詠姚氏瑞蓮

雨洗瑤池六月涼侍兒初試錦雲囊花開雙鳳迷歌  
扇子綴群蜂背蜜房波淨忽成溪女匹露寒却笑月  
娥孀合歡帳底鴛鴦夢臂枕猶聯玉雪香

題丁元善鍊師陽明樓

賀老家西百尺樓好山多處稱僊遊丹光散作霞千  
縷劒氣吹成月一鉤窓外鶴歸遼海暮袖中龍起鑑  
湖秋道人久直黃金殿可使歸來雪滿頭

謝李衡上人惠松花湯餅

雲門寺裏青松樹五月南風花正香膜粉輕披魚子  
白藥珠重綴蜜脾黃餅和甘露曾分送湯合僊霞更

共嘗慚愧老僧多意氣一杯毛骨盡清涼

送國子掌儀魏居仁還山東

京國相逢二十年當時綠髮盡華顏升堂獻贄吾居  
後立館司儀子在先夜雨溪聲連客枕夕陽山色滿  
歸船古來齊魯多奇士側耳聲名起日邊

贈淵上人住涇縣延壽寺

半生辛苦住城西脩竹滿園蔬滿畦正愛閒雲依疊  
嶂忽隨流水度三溪藤花院靜禪初定榭葉村深路  
欲迷此去莫憐知己少青山到處好留題

登會稽寶林寺塔

百尺浮圖東海上晴天目力見秋毫莫愁風露衣裳  
薄且喜雲霄步武高屋角長松來鶴背城頭荒草落  
鴻毛闌干倚遍心猶壯更待持杯酌雪濤

送山陰賈縣尹

公吏呼籌催坐衙朝朝下馬事如麻三年作官惟飲  
水萬里還朝先過家賈傳席前因獻策潘郎縣裏只  
栽花江船明日西興渡兩岬青山白鴈斜

和王繼學憲使玉泉觀魚韻

一方寒玉浸冷冷天上雲開影倒青卓錫黃龍曾聽  
法撫闌頰鯉亦通靈明珠碎逐涼風散濕翠空圍月

露零此日使君行樂處一時民俗自清寧

陪僕少監海脩撰飲西湖

十年不到西湖上此日重來意倍親  
尊酒暫陪天上使畫船猶待水邊人  
題詩香漬箋花舊度曲聲傳  
玉樹新歸醉小樓明月曙開元鍾鼓正朝真

送外兄李學父

鶉鳩涼雨睡偏宜正是敲門下馬時  
萬里風塵從戍早十年江海到家遲  
書持使節真行錦春上乘衣欲  
繡絲且買樓船醉雙玉紅蓮白藕滿西池

送醫士張景遠歸太平之黃池

秋塘雨白水平堤有客撐船繫屋西  
司馬賦多方病渴膏洪丹熟尚封泥  
滿階花落惟金鳳開戶香來是  
木犀昨夜月明天似水櫓聲不覺過龍谿

劉山驛

開窓坐着千峰頂對酒還思萬里程  
飛雨遠隨松子落濕雲近向樹頭生  
正愁絕壁烏鳶背忽聽半空鷄  
犬聲安得身騎遼海鶴徧遊八極醉吹笙

出大橫道中

朝來數騎嶺頭過忽見青山障白波  
候吏報來先擊鼓販鮮船至盡吹螺  
南邊治久烟塵少天上恩深雨

露多料得祝釐還報日春風楊柳滿官河

武夷道中

蒼龍飛起崖中斷九曲溪流直上天  
駕壑舟船遺故物幔亭簫管會真僊  
大王巖上雲初散玉女門前月正圓  
醉裡擢歌聲未已忽看孤鶴下翩翩

贈漳南巡檢許以衷

將軍早獻安邊策手挽強弓起七閩  
正為功名輕萬里已知勇畧冠千人  
風鳴鼓角山村曉日射旌旗海戍春  
匹馬何時渡江水笑談為國掃妖氛

懷安縣別莊嘉監憲

荔支食罷龍眼熟此日閩南使者過  
得俸莫嫌三月少買舟已覺一時多  
盟鷗狎舞迎歸櫂別騎驕嘶動佩珂  
酒醒青天明月上思君迢遞柰愁何

建寧得宣州家書

江上千戈猶未息此身何處可偷安  
居民戰死終無援主將逃生竟被殘  
已報老妻來太末尚憐孤姪寄長干  
扁舟十日閩溪上恨不身生兩羽翰

題樂逸軒

山下長溪溪上村溪山如畫正當門  
遣懷詩就題蕉葉理釣船歸繫柳根  
問姓不教通郡縣買書只許遺

兒孫相望只是柴桑里何日從君酒一尊

題宋仁甫樂山亭

當陽城外碧嵯峨獨構危亭意若何嵐氣漸來簷角  
少水聲偏向石稜多青雲鶴慣荊州舞白雪人傳郢  
上歌何事近來真得趣新松十萬在巖阿

建德城西寺

山門東轉步廊深長日禪房占綠陰松迳雨晴添虎  
跡竹潭風冷聽龍吟上林久說相如賦故里徒誇李  
子金獨坐胡床看明月不知涼露濕衣襟

蘭溪胡仁中家喜雨

赤日行空勢似焚老龍一起雨翻盆芙蓉趁水紅侵  
岬擺極盈疇綠繞門自是風雲當盛會從知天地有  
深恩朝來熟睡南窓醒却憶樂陽從至尊

龍公夜捲天河水散作虛空風雨聲豈獨榮華霑潤  
澤要令枯槁遂生成藥欄雙蝶凌晨舞草岬群蛙徹  
夜鳴造化功神竟無迹披衣默默坐前榮

江山縣

萬山深處開孤縣下馬入門風滿庭雨脚遠垂松澗  
白雲陰低覆稻田青已知賣劍人歸野還憶彈琴客  
在亭安得寰區皆卓魯晁書時復報虞廷

台州留別林希元

三年直閣常懷士。萬里乘槎許問津。滄海日華中夜  
曉。赤城霞氣四時春。謝公高卧元非隱。陶令歸來豈  
為貧。白髮清心自多壽。更從何處覓仙人。

贈天台李鍊師

翠蛟青鳳下晴空。家住天台第幾重。歲久松肪成琥  
珀。夜深丹氣出芙蓉。僊童奏簡騎文虎。太乙懸旗起  
絳龍。昨夜從師到天上。故山還著白雲封。

題天台方氏山亭

赤城霞氣燭天起。四面窻開碧樹源。山鳥晝啼深竹

疑作涼。

裏。溪魚晚近落花旁。茯苓酒共僊人飲。蛤蜊盤分野  
老嘗。何日投簪東海去。秋風同制芟荷香。

過鴈山

王事驅馳敢厭勞。秋風白髮氣猶豪。八千餘里行正  
遠。四十九盤山更高。石壁連雲愁鳥道。海門飛雪壯  
鯨濤。同遊賴有孫公子。時遣新詩浣鬱陶。

建寧道中

雙玉山前溪水流。朝來風雨暗灘頭。舟穿亂石方停  
棹。驛傍空巖更近樓。江海十年飛野鶴。乾坤萬里蕩  
沙鷗。七閩見說多凋弊。莫為尊鱸動客愁。

延平

樓閣近依山上下市橋橫接岬東西四時雲氣浮孤  
堞萬壑泉流會一溪道學已同瀟洛盛劔光猶與斗  
牛齊延平祠下歸來晚獨對寒燈待曉鷄

蒜嶺道中

溪雲帖帖雨沉沉頓覺新寒薄莫侵待渡人歸榕葉  
岬過山驛候荔支林清游暫作還鄉客白髮難忘報  
國心莫嘆行囊輕似羽一錢元自重千金

泉州驛別太守僕世玉

老夫欲起猶便睡候吏頻催却治行萬里烟雲隨驥

足五更風雨雜鷄聲乾坤笑我應無補江海逢君倍  
有情且解金魚沽別酒洛陽橋下正潮平

賦韶州王太守養老園

手種蒲園桃李樹東風披拂爛如霞歌催金縷停鳩  
杖酒注銀瓶載鹿車白日青春閒衛戟碧溪流水護  
僊家使君自是吹簫侶不記菖蒲幾度華

漳州

漳南五縣半溪洞狂獠恃險時縱橫巨蛇吞豕出當  
道猛虎搏人行近城如何百年漸禮化尚爾兩度煩  
天兵頑愚無知固可悼承宣亦合思廉平

王泉為宜春黃子中賦

銀河迸落青天上。盡作山中風雨聲。溪岬碧桃千歲在。石田瑤草四時生。雲流空洞潛蛟舞。月涌潺湲睡鶴驚。幾度秋高環珮冷。瓊僊吹笛過蓬瀛。

風涇舟中

白髮飄蕭寄短蓬。春深盃酒憶曾同。落花洲渚鷗迎雨。芳草池塘燕避風。烽火此時連海上。音書何日到山中。故人別後遙相望。夜夜空隨斗柄東。

送汪仲恭往千山

白月團團星斗稀。夜深船去疾如飛。聲傳海角來鴻

鴈。光涌潮頭出貝璣。歲晚正當還漢節。天寒誰為寄蘇衣。夫容絕頂鏡天祿。何日相從跨鶴歸。

和千山孫元寔韻

霜落梧桐葉上銀。秋來白髮似相親。詩工不讓唐人律。政拙空慚漢吏循。誰謂度遼能下士。自因逢掖學驚人。吳松江上夫容老。還憶南山佩可紉。

和潘叔寬所寄詩韻

一笑行藏似賁須。誰知白髮事皆殊。蒼龍欲化平津劍。老蚌應還合浦珠。蔡女書傳猶四百。山公學在未全孤。秋來江海非無志。柰此兵塵滿道途。

風雨吳江秋漸過，別來身世轉蹉跎。  
滿階金鳳落，將少傷水樹鷄生尚多。  
且對清尊歌慷慨，莫嫌白髮舞婆娑。  
欲將功業標銅柱，誰是當年馬伏波。

感春

會稽東望隔兵塵，消息傳來總不真。  
楊柳傷人青眼舊，梅花笑我白頭新。  
一愁風雨三更夢，萬里乾坤二月春。  
寂寞心期誰會得，獨支筇竹立江濱。

吳景文居庭牡丹盛開飲後有感

韶先天遣屬君家，猶是東京第一花。  
金屏夜寒團絳雪，錦機春暖簇紅霞。  
倚風忽作纏頭舞，避日還將便

面遮。薄莫闌干同醉倚，却憐孤客髮先華。

題朱教授送行詩卷

至正十八年冬，余自省府退歸西湖之上。郡博士朱君斗瑞來謁，出示京師送行詩一卷，讀之，則揭學士巖丞旨、吳大宗師王尚書沂、潘司業迪、陳監丞旅、胡庶奉助、劉博士聞馮助教三奇，凡九人去，今纔二十年，皆已凋謝，無存者。為之撫卷嘆息，因係

詩曰

中朝諸老凋零盡，一讀遺詩感慨多。  
萬里還家猶俎

豆十年為客尚干戈秋風東海雲帆舉春水西湖畫  
舫過此去太平應有象杏花深處聽絃歌

用謝元功韻贈劉生庸道還錢唐

綠陰門巷燕遲歸白日看書見客稀自是病多便野  
服豈因性僻解朝衣諸生載酒臨滄海獨子開船背  
落暉有約重來莫相遠好將編簡究精微

送方舟上人住靈鷲

靈鷲之山出東海小朶飛來不記年佛國夜光珠作  
闕龍宮春冷玉為泉浮雲不礙游人履流水還隨釣  
客船試問禪師去何處夜來騎虎上西天

巴陵女子韓希孟貞節

尚書子婦魏王孫清白傳家節更文諸將已捐南渡  
主孤身猶抗北來軍血書夜灑巴陵月烈氣秋橫鄂  
渚雲欲弔忠魂無覓處唯應瑤席從湘君

寄謝丞相康里公

海雲飛盡天如水夜夜遙瞻北斗高正愧無才叨末  
座忽聞有命轉東曹鵬搏已借扶搖力鯨背終成餉  
運勞白髮儒生何以報唯應執筆從夔臯

送胡孟然還錢唐并柬周伯溫程以文字文

子貞

老夫移家東海上愛子相從又一春官為閒多知性  
僻客因住久見情親諫章行曳尚書履漉酒誰同處  
士巾此去故人如問訊一槎將泛越江津

送有亨姪還錢唐

嗣宗諸姪仲容賢客路飄零雪滿顛曾為頌椒留子  
美却思戲蠟愛僧虔十年江海三杯酒百里溪山一  
釣船何日兵戈得休息敬亭春雨兩共歸田

錢唐壯觀天下奇昔日繁華曾見之夜月管絃唯鼓  
角春風羅綺盡旌旗湖山謾想遊人樂城郭徒增志  
士悲今日別離東海上一瓢村酒鬢如絲

題劉生庸道竹林書室圖

劉生讀書竹林下滿耳金石聲琅琅翠陰碎落日當  
戶緗帙亂翻風滿床中夜蛟龍神變化清時鸞鳳瑞  
文章此君標致誰能寫一幅雲烟墨數行

送朱道夫赴廣西巡檢

將軍慷慨出幽燕又佩刀弓過海邊桂嶺秋回南去  
鴈潯江夜泊北來船正憐主印官無事更喜迎親祿  
有田萬里若逢天上使好將詩句寄蠻牋

題蘆花被圖

秋深江上白蒙茸野客分來一色同酒醒孤蓬卧明

月帳寒老屋不禁風羽毛乍聚搏空鶴蹤跡真成踏  
雪鴻夜半何人吹鐵笛夢魂疑在楚江東

次韻李清叔元夕

絳燭燒烟散滿城九衢車馬似潮聲山河影轉琉璃  
薄陸海光浮菡萏平蝶睡誤翻歌扇暖鵲驚疑報畫  
襜晴夜闌人靜天如水依舊殘星數點明

貢禮部玩齋集卷之四終

貢禮部玩齋集卷之五

五言絕句

越城馬上

積雨變新綠微風落殘紅醉騎欵段馬日莫越城中

孟浩然畫像

白日何茫茫青春方浩浩驢背天風來吹我烏紗帽

蘇子瞻畫像

老龍起深夜來聽洞簫聲酒盡客亦醉滿江空月明

無題

隔樓理絲竹切切動人情飲酒且莫散坐待新月生

墨竹

歌枕夢江濤瀟湘生晚綠二妃邈何許千里一黃鵠

右風

雙鳳浴瑤池毛羽空翠滴僊人騎上天但見遼海碧

右雨

蒼龍在海上千載蛻神窟忽然凌空飛鱗甲耀白日

右老

文苞解晴日纖粉落輕颿青鸞忽飛起窓戶自瀟瀟

右嫩

張伯雨丹房偶題

翠禽立紅桃白鶴步青草與子半日間方見靜中好

寶應舟中見月

天風吹帽落忽見月如弦記得開船夜閭門一鏡懸

題海棠鳴禽圖

孤禽立花上似為不平鳴天地無窮意何人解寫生

龍虎山十詠

巨靈劈山石飛出黃金鷄至今山下人猶聽雲中啼

右金鷄山

長溪走蜿蜒恠石露巖巖孰識背上文世無神禹氏

右石龜渡

載玉出西域獻琛自南溟僊人一叱之化作青峻嶒

右象山

寶劍落深潭時時見光恠鱗甲飛上天白晝風雨快

右龍井

僊子出海上凝冰作肌膚手持青霞佩身坐白玉壺

右藐姑山

天星二十八下作漢廷將功成歸帝傍精彩射石上

右雲臺山

兩龍出行雨下吸幽澗泉噴沫着艸樹明珠爛清圓

右雙瀑澗

大道如流泉三才本一氣誰人鑿吕梁留險在天地

右三石洪

鑄鉄在厓石仰視何嵌空明月照不到白雲出其中

右青石巖

濕翠外盤盤寒玉中浩浩不與舅氏同乃有真人號

右白水磔

讀范文正公集和黃山谷韻四首

憂思同禹稷致事期勲華四海無二帝六合當一家

我田宗人田我屋宗人屋百年何所有祠前幾株木  
英風凜遺直絕識動樞機既有韓招討當使我公歸  
朝議方多異西師猶未班公心如鉄石要在取橫山

七言絕句

龍駒圖

八尺龍駒未破鞍一人牽過萬人看自從夢入將軍  
筆青草落花生莫寒

畫松

蒼龍蛻骨東海上太陰黯澹垂高空六丁驅起夜行  
雨萬里不斷蓬萊風

明仁殿進講五首

春日君王出殿遲千官簾外立多時觚稜雪轉寒無  
柰先許儒臣到講帷

黃綾寫本奏經筵正是虞書第二篇聖主從容聽講  
罷許教留在御床邊

殿前冠佩儼成行玉椀金瓶進早湯自愧平生飯藜  
藿朝來得食太官羊

黃金為帶玉為擔劔戟如林衛紫髯也愛儒臣勤講  
讀向前輕揭虎皮簾

奏對歸來日已西獨騎瘦馬踏春泥行從海子橋邊  
過猶望宮城柳色齊

送人歸廬州

淮水春深綠似苔故人天上恰歸來扁舟繫在門前

樹猶記行時手自栽

題淵明小像

烏帽青鞋白鹿裘山中甲子自春秋呼童檢點門前  
柳莫放飛花過石頭

送陳玉樵著書還江西

相如奏賦宜春館子雲待詔承明廬先生有書不蚤  
獻白髮如此來公車

去年有詔行馬政一日買驢三百錢莫笑江南客徒  
步獻書曾到玉除前

江城雨過枇杷熟綠水新生杜若花畫船多載采石

酒醉眼看山直到家

和馬伯庸學士擬古宮詞七首

城上鴉啼曙色催五門三殿一時開玉皇不許群僊見  
隱隱車聲天上來

綠池香水出芙蓉十二釵寒妬玉蟲只恐禁園今夜雨  
華清明日又西風

寶扇微開萬樂從紫衣扶輦出行宮近臣侍罷櫻桃宴  
更遣黃門送兩籠

紫雲扶日上盤盤花氣薰衣露始乾行處不禁春色惱  
回身却倚玉闌干

睡思厭厭易入眉繡簾低下燕歸遲黛鬟不整奴梁  
解滿院揚花夢覺時

殿頭昨夜報春殘盡放宮人賞牡丹獨有沉香亭北  
畔一枝偏許八姨看

雲影微開日脚垂杏花深院落遊絲不知誰動秋千  
索驚起黃鸝過別枝

雙鷹圖

先勇切

青松之下白石上攬身對立意沉沉妖狐狡兔莫  
喜落日一呼烟草深

八月霜風吹羽毛何人為女解金條雙翎如劍劈雲

去宇宙蒼茫秋氣高  
雪羽初來東海頭  
西風萬里白鵝秋  
漢家不校長楊  
獵因得將軍脫錦鞬

題出塞圖

六宮如海春如水  
一入長門見面稀  
青草琵琶沙上路  
淚痕空濕嫁時衣  
沙磧微驚數騎塵  
漢廷便欲議和親  
當時衛霍兵猶在  
未必君王棄妾身

題樵漁圖

長松如蓋復如輪  
袒腹支頤倚樹身  
誰謂樵夫避辛

吾乾坤許我一閒人

一株烟雨一竿風  
江海茫茫望眼空  
不是涓陽曾遇  
獵世間誰復識漁翁

和胡士恭灤陽納鉢即事韻

紫駝峰掛葡萄酒  
白馬鬃懸芍藥花  
綉帽官人傳旨  
出黃門伴送內臣家  
野闊天垂風露多  
白翎飛處草如波  
髯奴醉起傾渾  
脫馬漣香訃柰樂何  
蕎麥花深野韭肥  
烏桓城下客行稀  
健兒掘地得黃  
鼠日莫騎羊齊唱歸

新教生駒不受騎  
小紅車裏簇歸時  
鈎簾醉卧矐輸  
月不省人間有別離

野館吹鐙夜未央  
薄寒偏透越羅裳  
出門不記人行  
路馬首惟占北斗光

至正十一年秋七月  
巡按松州虎賁分司時  
山谷寒甚公事絕少  
明日即還為賦此

秋風撼撼衣綿薄  
夜雨蕭蕭燭焰低  
萬里江南才夢  
覺此身元自客遼西

雲葉繽紛雪弄花  
小營近午却排衙  
分司御史渾無  
事又鞚青驄踏白沙

詠塵

春城花露欲生泥  
十二街頭漫漫飛  
落絮遊絲共無  
賴半粘香汗半羅衣

題鮮于墨跡

墨花香潤紫毫圓  
寫徧湖山忽夢僊  
十二樓高明月  
夜玉笙吹鳳下秋天

題吳宗師看雲樓

四面窓開縹緲間  
無心飛去又飛還  
晚來盡捲西郊  
雨却伴長松老鶴閒

寶應待邵少監不至舟遂先行

亂帆如馬出高城  
百里平湖半日程  
自是南風送南  
客何妨同約不同行

朝發采石莫泊儀真舟中望月  
萬里滄波一席平  
猛風忽變又潮生  
今宵共看淮南  
月却憶江東昨夜明

赴京留別里中劉李二生

白沙渡口數行酒  
采石江頭萬里船  
別後相逢定何  
處一車行李五門前

發通州

日日思歸未有期  
及歸翻恨數年遲  
開船聽得吳歌

起絕似閭門送別時

贈呂梁老兵

二十年前福建軍  
鬢絲垂領眼俱昏  
一瓢乞食黃河  
畔猶遣兒孫應戶門

遂作是詩

舟泊黃河有牧豎  
籠稚兔以嬉  
因買而釋之  
目睛圓轉褐衣涼  
分得山河大地光  
今日開籠放生  
處桑陰麥穗正茫茫

送王元伯遊金陵并東樊時中都事王德常

管勾

山頭老屋一尺雪江上片帆千里風  
咲呼斗酒來濯足誰識書生送旅中  
閉門十日九風雨熟睡不知春  
水生樹上啼鳥忽驚覺故人只在石頭城

次成誼叔趙大本二臺都事肅章門聚散詩

韻

銀鞍白馬錦障泥立伏時多出駕稀  
別有天閑真汗血春秋長從六龍飛

題畫

樓閣參差烟水村涼風擱葉下紛紛  
何人理釣秋江

上驚起新來白鴈群

漁父

一輪明月一絲風吳水西頭楚岬東  
日日城中賣魚去却教鷗鷺守孤蓬

灤河曲

推髻使來交趾國橐駝車宿李陵臺  
遙聞徹夜鈴聲過知進六宮瓜果迴  
白沙岡頭齊下馬為拾闕支八寶鞭  
忽見草間長十八衆人分挿帽檐前

水僊

太液池邊雪始乾  
曉粧初試佩珊珊  
簾鈎欲下東風細  
猶夢珠宮扇影寒  
十二瑤臺風露寒  
銀河澹澹月團團  
龍宮自與塵凡隔  
別有銖衣白玉冠

畫蘭

西望沅湘不盡流  
紅芽綠葉自生愁  
王孫去後無消息  
風雨山中日立秋

題錢舜舉折枝海棠

玉環睡起嬌無力  
膩粉微勻酒暈生  
不是開元寫遺恨  
世間那得見傾城

題山水圖

孤峰直出青天上  
亂瀑斜飛白石間  
老我江湖歸未得  
何人解寫敬亭山

重過丹陽寄錢成夫

高荷蠹蠹荇田田  
數騎來迎野水邊  
只為一春頻往復  
縣人識得侍郎船

青山西去水東流  
兩岬飛花送客舟  
何事閭門行一月  
不能三日到宣州

過許墅廣福寺留題

幾人飲散閭門外  
落日蒲帆獨自開  
偶向龍華寺前

泊一株高柳記曾來

龍華寺贈栢庭上人

辛夷花落滿閒庭  
藥徑斜依翠栢屏  
白日山門無客到  
老僧自誦法華經

姑蘇臺

當時何事太情多  
不悟危機出芋蘿  
一夜月明天似水  
吳王臺上越王歌

余過吳中得畫一幅  
孤峰拔起有類鴈蕩  
僊都者因題贈宋居仁

鴈蕩秋深玉柱寒  
老夫曾此駐征鞍  
開圖一見青山

色猶似當時馬上看

題恠木圖

千年老樹化青牛  
風雨空山不盡愁  
一日爭迎作神主  
踏歌槌鼓水西頭

秋日與陶唐佐游麻姑萬松庵

萬疊青山一徑開  
寺門秋雨長莓苔  
莫憐此處行人少  
還有僧從外國來

遊里中麻姑西觀三首

道人鈎簾坐堂上  
盡日好山相對青  
藥苗當戶渾不理  
手持一卷黃庭經

樓閣參差烟樹間石橋橫截水潺潺我來欲覓燒丹  
處蒼朮黃精止滿山  
石上菖蒲水上蓮一天涼月露涓涓碧壇夜半燈如  
雪猶自朝真北斗前

題玄妙觀嵇月底所藏鍾離像

槲葉為衣草為履鬢髻雙髻任風吹浮雲捲盡青天  
闊正是神光夜出時

題番易劉伯方靜觀齋二首

夜來風雨過前村百尺深溪到底渾惟有道人心鏡  
淨水流花落不開門

太陰為峰雪為瀑萬里西來一方玉使君坐對賀蘭  
圖不數江南衆山綠

處州弋溪驛

四面青山風雨多石稜轉處掛漁簑推蓬不記來時  
路只見雙雙白鳥過  
流水一灣山四圍青林黃葉雨霏霏竹鷄啼罷人行  
少忽有釣船溪上歸

袁莊贈化東庵王道人

夢覺流鶯花外聲一簾疎雨補幽情披衣步向山門  
立青草萋萋笋亂生

曲岬西頭屋數椽綠陰深處好移船姓名正恐人知道忽有野僧來近前

吳淞江上謾興

亂蟲撲面蝙蝠飛木榭飄蕭半掩扉老僧看潮回寺晚林下惟逢一大歸

白日滿天江水平銀河垂地寂無聲披衣獨坐過夜半撥刺跳魚時一鳴

門外梧桐高百尺月華依約弄清陰夜深移在窓紗上不隔思家一寸心

露冷草根鳴蟋蟀雨晴花影轉蜻蟪一家四散知何

在獨對林間喜鵲巢

書扇餞徐大章往黃灣

海村四月摘花香日莫牽船出下塘別後莫教音問少蒼頭時遣送文章

書扇餞潘濟民往黃岡

黃岡只在海東頭野水連天蕩白鷗昨日相逢今日別藕花深處謾停舟

題朱肅畫

芙蓉零落渚宮秋翠蓋紅衣漫不收猶有雪鷓來上立夕陽無限遠人愁

書扇餞潘德全往彭坡

潘家兄弟多相識  
白面書生氣更豪  
一見便還東海去  
健帆如馬入雲高

題劉生庸道五莊草堂圖

南北兩峰相對青  
萬竿脩竹一茅亭  
何時共坐西湖雨  
白髮籌燈講六經

題朱生質夫所藏梅花圖

水晶簾幙珊瑚鈎  
萬玉花間一鏡秋  
睡起瀟湘寒凜烈  
却疑飛雪在羅浮

夜深瑤女出寒江  
分得南枝雨一窓  
可是貞姿共清

絕神僊肌骨更無雙

五言排律

上京大宴和樊時中侍御

一元開大統四海會  
時髦畿甸包幽薊  
天門啟應臯群黎  
皆屬望百辟盡勤  
勞蕃國來琛獻邊  
陲絕繹騷劔韜龍  
尾匣弓屬虎皮橐  
列聖尊皇極元臣  
異節旄宗盟存帶  
礪世胄出英豪歲  
駕嚴先蹕居人望  
左纛平沙班詐馬  
別殿燕機毛鳳簇  
璠珠帽龍盤錦繡  
袍扇分雲母薄屏  
晃水晶高馬湮浮  
犀椀駝峰落寶刀  
暖茵攢芍藥涼甕  
酌葡萄舞轉星河  
影歌騰陸海濤

左纛以犂牛尾為之大如  
斗繫於左馱馬軛上徒到  
切去亦謂止此翻字注或作  
纛者所執也刀切

本作朝音陶音若所說

齊聲纔起和頓足復分曹急管催瑤席繁絃壓紫槽  
明良真曠遇熙洽喜重遭化類工成治聲同士赴磬  
隆恩雖款洽醉舞敢呼號拜命榮三錫論功耻二桃  
重華躋舜禹盛業繼夔臯燕饗存寅畏游畋戒逸遨  
乾坤春拍拍宇宙樂陶陶爭獻公車頌光榮勝袞褒  
輓馬伯庸中丞

世祖投戈日先公出守初邦人懷禮樂家學贍詩書  
一舉登金榜頻年步玉除星移供奉燭風動使臣車  
忠諫陳無逸雄文賦子虛群公推雅量多士服清譽  
太史仍兼制春官總傳槐雲衣纚纚華日佩舒舒

長樂方調膳中臺旋賜輿尊嚴深翠柏清澗照紅蕖  
德業真無比恩光孰可如休官唐殿李知止漢廷疏  
野曠秋呼鴈江清晚釣魚石田霜後稻沙圃雨中蔬  
正爾安民望胡為夢帝居大星離次舍白璧翳丘墟  
惟有新詩在千年起歎歎

剪燈聯句

元夕同吳子彥劉子清侯敬文會飲水陽  
陳善甫家用剪燈聯句云

夜暖拈香繭春寒落剪刀勞心連鬱結頰綺思出長  
縵點綴輕蟬翼吳裝粘細鳳毛風花凝瑣碎貢雲葉

護周遭影燦金垂燼侯兕融玉作膏舞裊圍落絮劉  
歌扇逐飛桃帶轉銀幡小貢輪迴寶蓋高蜘蛛圍露  
網吳顧兔墮秋毫鶯擲翻紅雪侯魚跳起碧濤春陽  
噓蛺蝶劉秋冷蛻<sup>蟬</sup>蚘<sup>蟻</sup>翠薄荷分鈿絲柔柳散條青  
童來降節玉女翳纖翹碎訝珠胎迸尖愁燕尾翺微  
茫索錯落斜隙漏葡萄飴金空燒蠟棚山謾結鰲浮  
塵籠漠漠流水眩滔滔纂綺難為密裁綃祗自勞嬋  
娟妬清夜蟬螻落晴臯製異宮人緩榮懷學士絢未  
曾分寶炬先許照爛袍劇賞尊頻倒窮搜筆屢操盍  
簪嘶騷裏奮袖舞豪曹酒足華筵散詩漸白戰塵時

平無夜禁繁弱且歸攷貢

貢禮部玩齋集卷之五終

貞觀時年簡集卷之八十五

平無交禁察節且歸效



